

**Dissertatio medica de potu cafe ... / proposita a Marco Mappo ...
respondente D. Wencker.**

Contributors

Wencker, Daniel, active 1693-1695.
Mapp, Marc, 1632-1701.
Université de Strasbourg.

Publication/Creation

Argentorati : Literis Joh. Friderici Spoor, [1693]

Persistent URL

<https://wellcomecollection.org/works/f7pmbu7n>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO MEDICA
DE

POTU
CAFFE.

*In alma Argentoratensium
Universitate*

proposita


à

MARCO MAPPO, MED.
DOCTORE ET PROFESSORE
PUBLICO,

Solenniter Respondente

DANIELE WENCKER,
Argentinenſi.

Ad d. Mens. May Anno M DC XCIII.



ARGENTORATI,
Literis JOH. FRIDERICI SPOOR.

MAGNIFICO, AMPLISSIMO
ET PRUDENTISSIMO

VIRO

DOMINO

FRANCISCO

Reißeisen/

CONSULARI AC TREDECIMVIRO
REIPUBLICÆ PATRIÆ
MERITISSIMO,

UNIVERSITATIS SCHOLARCHÆ
GRAVISSIMO,

PATRONO,
COGNATO SUMME COLENDO,
SACRÆ REGENERATIONIS TESTI
BENIGNISSIMO,

PRÆSENTEM DISSERTATIONEM,
IN

MONUMENTUM

PERPETUÆ OBSERVANTIÆ ET GRATITUDINIS
SUBMISSE CONSECRAT

DANIEL WENCKER.



DISSERTATIO MEDICA

DE

POTV CAFÉ.

§. I.

Instituti hujus nostri rationes hic non repetimus, notatas jam in *Dissertationis de Potu Thee* Proœmio. Missis aliis etiam ambagibus, & iis quæ de Potus natura in genere & in specie de Potu calido supponenda sunt, de quibus actum in *Dissertationibus de Potu calido*, quæ de Potu Café proposituri sumus, pertinent vel ad Historiam illius, vel Medicæ proprie sunt considerationis. Illa non omittimus, non tantum quia curiosa, sed & quoniam his quandoq; lux ex illis petenda.

§. 2. Ob rationes autem à pluribus expositas, præmittenda quædam de Nomine. *Leonhardus Rauwolfius* Augustanus, celebris ille peregrinator, qui postquam artem Medicam aliquandiu Augustæ Vindelicorum, non sine applausu, exercuisset, incredibili Rei Botaniciæ amore captus, Anno Christi 1573. Senatus permissu, in Orientem iter suscepit, & quæ observavit reportavitque, fideliter descripsit, & inter cætera *primus*, quantum constat, Europæos de Potu Café Turcis familiari, brevi designatione certiores fecit, (ut patet ex Itinerarij Germanico idiomate scripti c. 8,) refert, Potum hunc appellari Turcis *Chaube*; Fructum autem unde paratur *Bunno*;

addens, se secundum analogiam Nominis & similitudinem formæ arbitrari, Fructum illum esse, quem Avicenna *Buncho* & Rhases *Bunca* adpellarunt, donec meliora fuerit edoctus. Itaque ejus mentem etiam accipit *Carolus Clusius Exotic. lib. II. c. 21.* addens tamen *D. Alphonsum Pancium*, Medicum ac publicum in Academia Ferrariensi Professore, misso ad ipsum fructum, monuisse, quibusdam *Buna*, aliis vero *Elcave* nominari: Hosque videtur sequi in Herbario suo *Tabernaemontanus* sub nomine *Buna. lib. III. c. 12.*

§. 3. Verumenimvero, diversitas inter *Bunchum* & fructum de quo nobis sermo, ex quo Potus noster paratur, facile adparet, si missâ priorum interpretum, qui multa insuper habuerunt, multa etiam affecuti non sunt (vide *Georg. Hieron. Welsch. de Vena Medinensi p. 328. & seq.*) ex Textu Arabico translatione, accuratiorem versionem Textus Abuali *Ibn-Tsinæ*, vulgo *Avicennæ* dicti, quam exhibet *Vopiscus Fortunatus Plembius*, conferamus, cum descriptione nostri fructus. Hanc paulo post dabimus; illam vero, ut cuivis facilis sit collatio, hic adscribimus ex *Canon. Med. lib. II. tr. 2.* subjuncto Scholio *Plembij* ipsius. *Bunk, Bunkum* est res quæ ex *Arabia Felice* defertur. Quidam esse ajunt partem ex radicibus *Spinae Arabicae* præ vetustate deciduam. Optimum est flavum, leve, suavis odoris: improbum est album & grave. Calidum siccumque est ordine primo: Alij tamen frigidum esse volunt primo gradu; partes corroborat, cutim emundat, humoresque sub ea latentes absumit, odoris gratiam corpori conciliat, tollitque calcis atque inde confecti *Psilothri* fæzorem, ventriculo aptum est. Ita ille. Scholion vero *Plembij* est. Vocabulum illud sic expressum *Bunkalats* est *Myrtidanum*, uti patet ex titulo de *Myrto*: Sed simpliciter positum & nullo addito, aliud proprius significat, & de hoc nunc agitur. *Maruphides Arabs* Autor *Lexici Arabico-Persici* satis ampli & probi, ut inquit *Goli*, dicit esse radicem odoratam, sed quæ aut qualis sit, non explicat, *Beitharides* item *Arabs*, qui de simplicibus Medicamentis librum edidit, censet esse *Nascaphthum* de quo *Dioscor. lib. I. c. 22.* quod fortassis verum est. Etenim *Nascaphthum* est lignum corticosum, putridum præ vetustate, odoratum tamen, quæ omnia *Bunko* etiam conveniunt. Factâ collatione

latione horum cum descriptione Café §. 12. proposita, atq; etiam sensu in consilium vocato, evidens plane est, *Bunkum* vel *Bunk Avicennæ* non esse granum ex quo Potus *Chaube* adornatur, ut voluit quidem *Rauvvolfius*, quem alij multi videntur secuti: Unde etiam de vocabulo illo apud *Rhasen* non sumus solliciti. Erroris forsan causa fuit, quod fructum illum seu granum audivit *Bon, Ban, Buna* adpellari ab Ægyptiis atque Arabibus, linguarum Orientalium non usque quaque peritus, monente Dn. *Welsch* de Ven. Medinens. c. 12. Confer *Veslingium* Epist. ad Patr. Athanas. Kircherum Obs. & Epist. LV.

§. 4. Qui Anno 1580. Venetiis solvens Italus in Ægyptum iter suscepit, & per triennium ibi commoratus, post reditum fuit constitutus Professor Botanices & Horti Medici Præfectus in Academia Patavina *Prosper Alpinus* lib. de Plantis Ægypti c. 16. & lib. de Medicina Ægyptiorum lib. IV. c. 3. scribit, semina vulgatissima ex quibus omnes tum Ægyptij tum Arabes parant decoctum vulgatissimum, quod vini loco ipsi potant, venditurque in publicis Oenopoliis, non secus ac apud nos vinum, ibi appellari *Bon* vel *Ban*; Decoctum autem *Caova*; quæ nomina non adeo differunt ab ijs quæ *Rauvvolfius* habet; Si nobis revocamus in memoriam, quanta pronuntiationis inq; diversis regionibus aut tractibus terræ, diversitas.

§. 5. Qui post *Prosperum Alpinum* Ægyptum pluresque alias Regiones Orientales perlustravit, & post reditum, illius in Cathedra Patavina vestigia pressit, Dn. *Joh. Veslingius*, fructum nostrum etiam nominat *Bon* ex ore sc. Orientalium, Potum *al Caova*, addens, in Peregrinorum ore, *al Chaova, Chaova, Chaube, Cavé, Café* nata nomina. vid. Observ. & Not. ad prosp. Alpin. c. 16. & Epist. ad Athanas. Kirch. l. c.

§. 6. Et notata pronuntiationis ratio causa videtur, quare nostratibus & quam plurimis aliis Europæis scribatur & dicatur *Caphé* vel *Café*; quod propterea nomen operæ præmii duximus retinere; quod jam olim D. *Bucretius* Venetiis ex ore Turcarum exceptum, D. *Danieli Sennerto* circa

Maslach Turcarum curioso, ita expressit, vid. Prax. Med. Sennert. lib. I, Part. I. c. 6. in subjuncta quæstione.

§. 7. Diximus superius *Alphonsum Pancium* Medicinæ Professore Ferrariensem, cum hunc fructum inter rariora tum transmitteret *Carolo Clusio*, addidisse, quibusdam *Elkave* vocari. Hoc vero deinde *Elkave Historia Plantarum Rovilliana* XIX. c. 33. in *Elicano turpiter* corruptit. verba sunt *Georg. Hieronym. Welsch.* de Ven. Medin. c. 12. qui simul notat ibidem, quæ apud *Bernhardum Paludanum* (Not. in *Linscot.*) leguntur Nomina *Chaona* & *Choana* gravioribus *Typothetarum* mendis accensenda: quo etiam pertinet nomen *Elkarie*, quod nonnulli ex *Pancio* petere volunt. ap. *Caspar Bauhinum* Theatri Botan. lib. XI. Sect. 5. c. d. *Euonymo*. Qui ipse, si quisquam, de re botanica optime meritus, nullum Latinum aut Græcum satis congruum inveniens nomen, Arborem unde fructus noster desumitur, ut intra dicemus, vocat *Euonymo similem Egyptiacam, fructu baccis Lauri simili*; designatione ex descriptione *Alpini* aliorumq; adornata.

§. 8. Qui Fructum de quo quæstio, cum forbitio parati inde liquoris primum in Gallia admitteretur in usum, *Morum* appellaverunt, fidem faciente charta quadam *Lutetiæ* Typis impressâ, ejus naturam parum cognitam videntur habuisse, nec apparet ulla nominationis ratio, vid. hac de re, *Dn. Laurentium Straus.* App. Schröd. p. 18.

§. 9. Tractatus de Potu Café, *Chinensium Theé & Chocolata* *Dn. Sylvestri du Four* Mercatoris *Lugdunensis* docti & curiosi, & propter commercium literarium etiam cum *Orientalibus*, & propter impetrata ab his de *Natura & Potu Café* documenta, nominatissimi, (vid. *Journal des sçavans* pour l'Année 1684. & *Nouvelles de la Republique des lettres.* Mois de Maj 1695. Artic. 4.) Gallico idiomate editus, deinde suppresso *Domini du Four* nomine, Latinitate donatus, sed admodum mendose, nec *Parisiis*, ut Titulus præfert, sed *Genævæ* Anno 1685. impressus, Anno autem 1688. secunda *Lugduni* editione, (quam deinceps allegamus,) limatior & cum supplementis quibusdam à laudato *Dn. du Four* publici juris factus,

factus, cap. i. notat, quosdam antequam in pulverem sit re-
 ductus fructus, hunc nominare *Bunchum* Latine, Gallice Bon
 quod Bun pronunciant : In pulverem vero redacto varia im-
 posita esse nomina, Café, Cophe, Cave, Cavet, Cahve, Ca-
 veah, Chaube, Choana, Chaona, Cahveh ; Sed quamvis idem
 post Dn. D. *Simonem Pauli*, & quosdam alios, hoc discrimen No-
 minum calculo suo prober & retineat, passim tamen video
 Nomen Café & nomina illa quæ parum ab eo differunt, mo-
 do Fructum, modo Grana Fructus, modo inde paratum pul-
 verem, modo paratam ex pulvere sorbitionem, notare. Con-
 fer *Johan. Vestingium* Epist. ad Patr. Athanasium Kircherum
 Observ. & Epist. 55. Dn. *de Thevenot*. Voyage fait au Levant
 c. 24. & suite du Voyage du Levant. c. 4. Dn. *Joh. Bapt.*
Tavernier, Voyage en Turquie &c. Part. II. Dn. *de Blegny* de
 Legitimo usu Café. c. I. *Francisc. Bacon*. de *Verulamio*. Sylv.
 Sylv. Cent. VIII. Exper. 738.

§. 10. Ad originationem seu Etymologiam pertinet, quod
Vestlingius scripsit, al Caova forsan illo (Arabico) idiomate à
 Confortando nuncupari. Epist. allegat. Conjecturam video
 confirmari Documento Dn. *du Four* c. 1. quando refert, Equi-
 tem *d' Arvieux* Consulem Gallorum, acerrimi ingenij Vi-
 rum hoc nomine rogatum, postquam omnem hoc nomine
 lapidem movisset, Alepo rescripsisse, Fructum Café dictum,
 Arabico idiomate adpellari Cahoueh ; quod Arabes V. Con-
 sonans, ut cæteri populi, non habeant : Turcas autem alios-
 que Orientales pronunciare Cahvé, Originemque deducere
 à Cohvet quod est robur, quod ejus effectus insignis sit cor-
 roborare. An autem Nomen Café in lingua Arabica signi-
 ficet etiam Vinum, & propter analogiam virtutis, Potui Ca-
 fé hoc idem nomen sit impositum ; sicut innuere videntur
Joh. Bapt. Tavernier Voyage en Turquie Part. II. & *de Bourges*
 in Itinerario Episcopi Berytensis ; istius linguæ peritis discu-
 tiendum relinquo.

§. 11. A Nomine Café Tabernæ seu thermopolia ubi
 adornatur & divenditur Potus Café, nomen Turcicum ha-
 bent *Cavehanes*, terminatione Gallicâ, secundum Dn.

du Four. Cavehanas vocat interpres Latinus. Dn. autem *de Thevenot* designans loca delicioſa in ſuburbiiſ Damafci, ubi Café potatores confluunt, illa adpellat *Cavéz.* Suite du Voyage du Levant c. 5.

§. 12. Sed miſſis nominibus, ad rem ipſam tranſeamus. Grana oculis hodie noſtris paſſim, non apud eos tantum, qui in Thermopoliis ad ſorbitionem illa præparant, ſed & apud Pharmocopolas & Mercatores, qui magna quantitate per commercia ea ad Europæos curant, Café dicta, ſunt *Nuclei Fructus arboris Arabicæ*, qui *Bacca Lauri* magnitudine vel paulo minor, formâ eidem & colore, dum gemini interſepto tenui diſtincti, in duplici cortice, altero exteriori nigro & ſatis craſſo, altero interiori admodum tenui continentur, eſt aſſimilis, valde duri & ſolidi, oblonge rotundi, quâ vero jungebantur plani, tum à ſe invicem tum à Corticibus facile ſeparabiles, colore candido in flavedinem degenerante, ob peculiarem in potu vim ſomnum arcendi, ſtomachum roborandi aliasq; virtutes Medicas & Gentium applauſum, hodie inter polychreſta numerandi.

§. 13. Oculis hodie noſtris expoſitum obiter noto, ut intelligas, Picturam fructus ad ea pertinere, quibus hic carere poſſumus; Eam tamen videre licet, apud *Carolus Cluſium* Exotic. lib. II. c. 21. *Tabernamont.* lib. III. c. 12. *Du Four* in limine Tractatus de Café. *Simonem Pauli.* Quadripart. Botan. Claſſ. III. Rami picturam exhibet *Proſper Alpinus* l. c. Dn. *du Four* in limine Tractatus de Cafe. Append *Schröder.* p. 16. Per microſcopia qualis ſit illius facies, exactiſſime designare ſatagunt, *Antonius Leuenhœck* Epist. ad Societ. Angl. Anno 1687. & *Nehemias Greu* in Anatomia Plantarum Anglico idiomate ſcripta; inter quos tamen male convenit, dum figuras diverſiſſimas nobis exhibent.

§. 14. Dico Fructum eſſe; conſenſu eorum, qui hac de re aliquid literarum monumentis conſignarunt. Nam quando in Dn. *Franciſci Baconis Comitidis de Verulamio* Hiſtoria Vitæ & Mortis ſcriptum eſt. Turcæ habent etiam in uſu Herba genus, quam vocant *Caphé*, quam deſiccata pulveriſant & in aqua calida propinant, quam dicunt haud parvum præſtare illis vigorem & in animis

& in

& in ingeniis; omnia me jubent credere, tanti Viri mentem non fuisse recte expressam; tanto magis, quia ille Sylv. Sylvar. VIII. Experiment. 738. scribit. *Turcis in usu est Potus quem vocant Coffa, ex bacca cognomine.*

§. 15. *Arboreum* autem noto, ut, ad quodnam genus referendus sit, intelligatur; & hæc quæstio postulat, ut simus certiores, cujus plantæ sit fructus. Domini *Bernier* relationem ambiguum, quasi *Volvuli* esset species (vide ejus Epistol. ad Dn. du Four, Tractatui de Café subnexam) nullum video invenire applausum. *Arborem* esse quæ ferat hunc fructum, tradunt, *Prosper Alpinus* de Plantis *Ægypti* c. 16. *Arborem* vidi, ait, in viridario *HaliBei Turcæ*, cujus Tu iconem nunc spectabis, ex qua semina illa ibi vulgatissima, *Bon* vel *Ban* adpellata, producuntur. &c. & Lib. de Medicina *Ægyptiorum* lib. IV. c. 3. Semen hoc *Bon* vocant, arboremq; ipsum ferentem vidi in quodam *Turcæ Bei* viridario ex *Arabia* delatam: *Johannes Veslingius* qui post *Alpinum* easdem regiones perlustravit, in Annotat. ad hunc locum, fatetur, se in Viridariis *Ægypti*, quæ quidem accedere licuit, arborem hanc non amplius conspexisse; vocat tamen *Arborem*. De forma *Arboris* *Prosper Alpinus* l. c. hæc habet: *Arbor*, quam inspexisse me dixi, *Evonymo* similis observata est, sed tamen folia crassiora durioraque habebat atque viridiora, perpetuoq; virentia. Secundum ea quæ memorat Dn. de *Blegny*, Lib. de Legitimo usu Café; eâdem formâ in Horto *Nobilis* cujusdam *Divionensis* à multis annis conspicitur. Flores *Arboris* sunt candicantes, secundum descriptionem *Arabis* cujusdam Medici, quæ *Oxonij* in *Anglia* edita An. 1656. referente Dn. *D. Laurentio Straussio*. vid. Append. Schröder. p. 12. Cum itaque arboreus sit fructus Café, & ita differat ab omni leguminum genere, malumus dicere Fructum sc. sui generis, quam cum illis hunc confundere. Unde simul intelligitur, non nisi improprie, ob qualemcunque analogiam, à multis fructum nostrum *Fabam* appellari, aut pro *Faba* haberi: hanc enim profert *Herba* caule anguloso inani, conjugationibus paucioribus, floribus papilionaceis è foliorum alis exeuntibus, siliquis majoribus.

§. 16. *Arboris Arabicae.* Locum enim Natalem agnoscit, illorum ferè, qui de illo verba fecerunt, consensu, illam Terræ plagam, quæ hodie Yemen, olim Arabia Felix dicta, vel, ut quidam volunt, illius partem, ubi sine cultura crescit in vastissimis campis versus meridiem. v. *Prosperum Alpinum*. d. Plant. Ægypti. c. 16. *Johan. Vesslingium* in *Observ. & Not. ad l.c. Alpini*. *Joh. Bapt. Tavernier*. Voyage en Turquie, en Perse & aux Indes. Part. II. De Bourges Itiner. Episc. Beryt. *Du Four*. de Café. De Blegny de Café. c. I. Arabiam modo notatam, immensam copiam ferre fructus Café, argumento est, quod quotannis, fidem facientibus qui loca illa oculis usurparunt, XXV. millia saccorum, quorum singuli 300. libras granorum continent, Cairum, post diuturniorem per mare uestionem, camelis importentur: Caravana etiam cum Mahometis devotis in Ægyptum & Syriam adferat X. vel XV. millia saccorum ejusdem ponderis. v. *Dn. du Four*. de Café. c. 2. & *D. Dapper*. in Descriptione Arabiæ, Belgico primum, & deinde Germanico idiomate edita. Quando autem *Dn. du Four*, negans ullibi Café provenire quam in campis Arabiæ Felicis, addit, etiam magnum non esse tractum istius Regionis, qui sit ferax hujus arboris, contradicentem habet doctissimum *Vesslingium*. (*Observ. & Epist. 55. de Caova ad Patr. Athanas. Kircherum*) testem omnibus numeris idoneum, quando scribit. *Affertur in Ægyptum ex Famin & Indiæ quoque propinquis. Copiam enim tam vastam vix plures Provinciae suppedient.*

§. 17. *Bacca Lauri magnitudine est, vel paulo minor, si sc. ad magnitudinem in utraq; bacca matura respiciamus, quæ ut plurimum, adeoq; secundum ordinarias naturæ leges, observatur.* Nec aliam notat magnitudinem *Petrus della Valle*, quando magnitudinem mediocris Olivæ æquare scripsit. Instantiam nobis nullam facere debent, minores illi fructus integri, qui inter grana Café excorticata, ut magnâ quantitate divenduntur, interdum conspiciuntur; Hi enim integri videntur mansisse, quod in immaturis & justam magnitudinem non adeptis, grana & cortices non ita facile sepa-

rentur. Ejusmodi imperfectos fructus videtur vidisse Dn. D. Simon Pauli, quando illos baccis Lauri longè cedere scripsit, addens, suo arbitrato omnium optime cum semine Admirabilis Peruvianæ comparari posse, illi in omnibus similimo. Sensus hic optimus judex, dum utrumque ad manum granum.

§. 18. *Bacca Lauri formâ & colore fere similis* dicitur, s. comparatur illi, quia vulgaris est notitiæ. *Fere autem similis*; quia in fructu Café integro, foris sulcus quidam conspicitur, qui illum in duas partes designat & interno duorum nucleorum intersepto respondet, quod in nigra Lauri bacca non observatur. Dominus Olearius in Itin. Pers. comparavit, grana, ratione quidem substantiæ Tritico Turcico, ratione formæ externæ Tritico Germanorum; sed molliori interpretatione utraq; comparatio opus habet.

§. 19. Quod de *Corticibus* additum, præter consensum Veterum & Recentiorum Peregrinatorum, observatur etiam apud nos quandoque, quando inter grana, ut ad nos per commercia curantur, interdum reperiuntur integri fructus, seu grana involucris suis adhuc conclusa, justæ, sed rarius, magnitudinis, in quibus etiam *Interseptum* tenuè inter duos nucleos satis adspectabile.

§. 20. Nucleos ipsos *valde duros & solidos* asserimus; quia non tantum ad sensum tales adparent, sed & aqua macerati, non nisi post plures dies de duritie sua remittunt, nec nisi post plurimos vere mollescunt, imo ad mollitiem instar pisorum, fabarum aut phaseolorum coqui nequeunt.

§. 21. Quando eosdem *colore candido in flavedinem degenerante* asserimus, tales semper vidimus: Nec nobis obstat, quod Prosper Alpinus lib. de Medicina Ægyptiorum scribat; Decoctum Caova appellatum, ex seminibus quibusdam nigris fabas imitantibus, in Ægypto parari; vel enim respectu siliquosi involucri nigri, vel respectu torrefactionis, quæ adurationis non est expers, videtur nigra adpellasse. *Virtutes denique Medicas & applausum gentium* dicenda indicabunt.

§. 22. Fama est ex multorum, ut sit, conjectura, Arabes arboreum hunc fructum, antequam exportetur in alias regiones, infundere in aqua fervente, committere fornaci vel quacunque alia ratione admoveere igni, & reformare, ut elementum germinis destruat, ne in aliis regionibus plantari queat. Cum hac tamen suspitione male cohæret, quod granis quibusdam cortices in sua integritate adhærent, nec ullum reformationis indicium præbent. Dominus etiam *Veslingius* videtur supponere, extra locum natalem etiam coli & plantari posse, dum scribit. *An autem in hoc fructu alibi producto virus quoddam se extulerit, nullo hæcenus exemplo discere potui.* supra alleg. Epist. ad Patr. Athan. Kircherum. Dominus de Blegny de Café p. m. 82. memorat, se observasse, commissum aquæ frigidaë fructum hunc, bidui spatio rudimentum germinis protrusisse; & Dn. D' Errere Mercatorem Parisiensem, cujus Mercaturæ partem Café constituit, fidem facere, Nobilem quendam Divionensem, fructum, periculi faciendi causâ, terræ commisisse, & hinc enatas plantas à plurimis jam annis in horto colore, formâ ab Orientali non differente. Nos factâ infusione, non per biduum tantum, sed per plures dies, vidimus tuberculum minimum attolli, quod suspitionem germinis movit; hoc tamen non vidimus emergere. Nobilissimus autem Dominus *RESPONDENS* curiosus, in variis liquoribus infundens grana de quibus quæstio, in spiritu vini manifeste emergere germen animadvertit ac mihi monstravit; certior ego de præsentia germinis, periculum feci in granis diu in aqua maceratis, an pressu digitorum idem eodem loco foras agere possem, quod statim successit; omissâ deinde pressione digitorum, in aliis granis, eo loci, ubi vestigium tuberculi erat, factâ levi separatione, idem conspeximus; atque hac nunc ratione demonstrabile semper est. Certior etiam non ita pridem factus sum, peritum hujus Civitatis Pharmacopolam, inter peregrinas merces ante triennium accepisse saccum Café, quem, cum navi veheretur, aquâ mersum fuisse, sciebat; expedientem autem grana, deprehendisse magnam partem illorum germen protrusisse, adeo ut illorum

non pauca Medico suo (ex cujus relatione hæc habeo) offerret, ut illa terræ in vasis committeret, cupidus sc. scire, an radices agere possent; quod tamen non potuerunt. Fabulosum. E. merito videtur, Arabes sive ex invidia, sive lucri causâ, grana Café, antequam exteris vendantur, dictâ ratione reformare.

§. 23. *An antiquissimis temporibus hoc terræ productum cognitum fuerit, & qui primi vel casu vel sagaci inquisitione in illud inciderint, incertum.* Qui talia determinet, nemo quantum sciam, idoneos hætenus produxit testes. Ad *Avicennæ* vulgo dicti tempora, frustra quidam respiciunt, qui floruit Anno Christi 1145. quod sc. ipsi nomine Buncho venerit. Nam errorem supra notavimus. Fidem habentes *Fausto Naironi* Maronitæ, Linguarum Chaldaicæ & Syriacæ in Collegio Romano Professori celebri, in Dissertatione, quæ secundum commemorationem Dn. *du Four*, c. 4. extat in Italorum Eruditorum Ephemer. Anno 1671, Recentioribus demum gloriam inventionis tribuunt. Nam in hunc sensum ille verbis Interpretis Latini. *Custos Camelorum aut Caprarum, ut existimant alij, quibusdam Monachis retulit, nonnunquam Capras aut Camelos suos, noctes vigilando & saltando transigere, id quod Abbas pabulo tribuendum statim coniecit: Cujus ut certior fieret, in loca tunc temporis pecudi frequentata se contulit & animadvertit, illi, die nocti quam saltando egerat, anteriori, multos certi cujusdam generis occurriffe frutices, quorum fructus verisimiliter comederat. Nonnullos itaq; eorum qualitates investigandi causâ collectos, aquâ ferverfecit, & liquore epurato somnum averti deprehendit; quo motus Monachis suis, ne officij nocturni tempore dormirent, potandum præbuit. Res ex voto cessit, & paulo post multas fructui illi salubres esse qualitates, detectum fuit. Quapropter multis desiderabilis evasit, maxime autem ipsis Mercatoribus; quippe qui in grati animi fidem, preces privatas & solennes sacrant Sciadli & Aydro; quibus Monachis hujus fructus investigationis tribuitur honos. Calculum suum confert Dn. *Tavernier* l. c. quando in hunc sensum scribit. *Uusus Café fuit inventus per Eremitam cujus nomen erat Scheck Siadeli; ante 120. incirca annos.* Nam ante ipsum nullus alius author occurrit. Si hæc*

Inventionis, Examinis & Usus initia; nullum est dubium, quin ita ut sit, curiosus curiosum de re inaudita reddiderit certiorē, & Observationes primæ subinde suas habuerint accessiones. Dominus *du Four* ex præcipuis locis universi, ut ipse loquitur Orientis, particeps factus Responsorum ad hanc quæstionem, ostendit, in eo illa conspirare, à duobus tantum circiter seculis, cœpisse ita vulgaris esse notitiæ. Ipse tamen merito non desinit dubitare, quandoquidem *Ludovicus Bassano*, *Antonius Menavinus* & *Franciscus Sansovinus* qui scripsere, prior quidem Anno 1545. alter Anno 1548. tertius Anno 1563. ubi loquuntur de tribus Potuum generibus Turcis familiaribus, eaque describunt, ne verbum quidem de Potu Café habeant: Imo plures asserant, apud Turcas illorumque vicinos Potum Café non fuisse admissum, nisi cum Sultan Helin debellavit Ægyptum, An. sc. 1517. 1518. ubi à longo jam tempore in usu fuisse, animadverterunt, illo procul dubio ad Arabibus ad Ægyptios translato: *Marcus* denique *Paulus* qui circa Decimi tertij seculi medium scripsit, quemque norunt accuratum in historia, ne verbum quidem de eo proferat. Manet E. nobis etiam ratum, cum *Leonhardus Rauvolfius*, *Prosper Alpinus*, *Johannes Vesslingius* supra allegati primi fuerint, qui potum Café Orientalibus ita familiarem observarunt, Europæosq; de illo certiores fecerunt, superiori & nostro seculo; Antiquiores vero peregrinatores, etiam ubi de potuum generibus in Oriente receptis ex professo agunt, de potu Café taceant omnino, veritati consentaneum esse, non multum à nostro seculo abesse, quod Orientalibus primùm potum Café commendavit.

§. 24. In Europa non ita pridem inter nova cœpit placere. Italiam quod attinet, *Petrus della Valle* in Epistola III. 1615. Constantinopoli scripta, promittit, se post reditum suum in Italiam, hunc potum hætenus illi incognitum publicaturum. Ipse scio, ante 30. annos cum studiorum, præter cætera, causâ, Italia mihi placeret, nondum vulgaris fuisse notitiæ. Gallis non innotuit Usus Café nisi à 40. fere annis; nec placere adeo cœpit, nisi à 25. præterpropter annis.

asse.

afferente Dn. *du Four* Gallo, curioso talium circumstantiarum annotatore. Tr. de Café. Certe cum Anno 1662. Gallias per lustrarem, in nullum unquam incidi thermopolium, in quo potus Café venderetur, cum non solum hodie magnus illorum ibi locorum numerus, in quibus, qui varios palato gratos liquores adornant, copiam consumunt incredibilem: sed & privati in ædibus suis, & Communitates intra parietes suos, illius non modicam quantitatem absumant. Parisiis & Lugduni, tantum non in omnium spectatarum familiarum foco, fervere ollam Potui Café destinatam, publica fama est. Anglis ante 50. annos Café non nisi nomine tenus cognitum fuisse, ex scriptis *Francisci Baconis Comitum de Verulamio*, quæ supra tetigimus, elucet. Dn. *Willis*. Pharmaceut. ration, sect. VII. c. 3. ait, *A nuperis annis hic potus etiam inter nostrates in morem abiit*: Cum hodierna luce Londini numerentur thermopolia publica 3000. in quibus ampla conclavia, ad quæ magnus compotatorum confluxus, qui compotationes in seram sæpe noctem continuant, vide *du Four*. c. 9. & *de Blegny* de Café. c. 2. Nec citius in Belgio in consuetudinem venit, quam hodie Batavis receptam esse, cernere est. In Germania forsan adhuc paucioribus illius placet usus. Hoc scio, aulis Magnatum nonnullorum, & quibusdam curiosis privatim innotuisse, aut etiam ex variis causis in usu fuisse, antequam vulgaris esset notitiæ aut vulgati usus.

§. 25. Tam famosi igitur Potus operæ præsum est cognoscere adorationem. Inter eos qui primi curiosi Europam de tali potu certiores fecerunt, *Leonhardus* equidem *Rauwolfius*. Itinerar. c. 8. contentus fuit indicasse, ex fructu *Bunni* potum *Chaube* parari. *Prosper Alpinus* autem Lib. de Medicina Ægyptiorum. l. IV. c. 3. eam ita enarrat. *In frequentissimo usu ibi (in Ægypto) est decoctum Chaova appellatum, quod ex quibusdam seminibus, nigris, fabas imitantibus, parare consueverunt. Duobusque modis ab ipsis parari solet. Eorum enim alij decoctum faciunt ex seminum nuper dictorum tunicis seu folliculis; & alij ex eorundem seminum substantia. Quod ex folliculis paratur, efficacius quam ex seminum substantia elaboratum predicant. & paulò post Parant autem*

autem illi hoc decoctum, sumentes nucleorum illorum, seminum à folliculis mundatorum libram unam & mediam, eaque parum igne torrefaciunt, contostaq; bulliunt in aquae libris viginti; alijs sumentibus nucleos praedictos torrefactos ac minutim confractos per diem infusos in aquam, manere; atq; alij nulla precedente infusione eos bulliunt ad consumptionem medietatis, percolatumq; decoctum ad usum servant, in fictilibus vasis undiq; clausis. Eodem ibidem modo parant decoctum ex seminum folliculis, in minori tamen quantitate sumptis. Pro quo parando accipiunt alij praedictorum folliculorum sex uncias, alij novem, inq; libris viginti aquae fontis, ad consumptionem medietatis ipsum coquentes. Dn. Johannes Veslingius in Epistola ad Patr. Athanasium Kircherum supra allegatâ, ita. *Granis (sc. Café) fortiter exsiccatis ac nonnihil torrefactis, ut in pulverem deinceps contundi queant, coctio sit in ahenis probe stanno obductis, furnisque in hunc usum elegantissime exstructis, in quibus pasta ex fimo animalium paleisq; subactâ, ignem alunt.* Ad pulveris Uncias XVIII. aquae libras XX. ut fere minimam sumuntur, atq; ad denarum consumptionem percoquuntur; quamvis & minus aquae sumant qui crassius, plus vero qui dilutius desiderant: neq; opus hic percolatione ullâ.

§. 26. In Europa operæ pretium non aestimant, peculiare decoctum parare ex corticibus seu folliculis; quia circa horum quidem virtutem videntur fluctuare authores. Prosper Alpinus l. c. Decoctum, ait, ex folliculis paratum, efficacius quam ex seminum substantia paratum praedicant, Dn. du Four c. 5. fin. notat, quæ ex diversis locis Orientalibus sc. accepit, fidem non facere, efficaciorum esse potum Café ex folliculis. Petrus della Valle Epist. III. Constantinopoli scripta, refert, vel parari potum ex filiquis vel ex granis, persuasumque esse Turcis, alterum refrigerare aestate, alterum calefacere, quamvis ipse certus non sit, an hic vel ille, hoc vel illud praestet. Praecipue autem, quoniam istorum folliculorum in copia compotes non sumus. Nam seorsim ad nos non curantur, & in multitudine granorum, ut ad nos importantur, paucum tantum reperias grana in & cum cortice nigro.

§. 27. Propterea de granorum solum præparatione solliciti, Delectus. I. habent rationem. Nam cum ex longin-

quo

quo illa ad nos perferantur, ratio facile suadet, ea præferenda grana Café, quæ recentiora & minus exsucca ; cum vetustiora, evanescente restitantis humiditatis momento, majorem virium videantur fecisse jacturam : Sicut hoc observatur in variis leguminum generibus, nucleis, baccis, cum quibus fructus hic aliquam habet analogiam. Exemplo suorem illustrat Dn. *Bernier*. in Epist. ad Dn. *Du Four*, commemorans quamdiu in Ægypto versatus fuit, potum Café ipsi non fuisse ad palatum ; postquam vero Arabiam Felicem attigit, cum Louhaïæ & Mokæ commoraretur, suavissimum potum Café observasse, quamvis nihil ibi addatur sachari, & singulis diebus cum summa voluptate quinque vel sex pocula exhausisse : unde concludit, in Arabia recentem fructum Café, non recentem, cujus solius nos participes reddimur, bonitate admodum superare, cum temporis progressu saporis gratiam amittat, sicut Amygdalæ, Fabæ. Interim qui grana hæc in commercio habent Europæi, atque iterum iterumque magnam illorum copiam oculis usurpant & examinant, fatentur, nullum manifestum discrimen inter magis & minus recentia aut vetusta, constitui posse. Et sane, si grana hæc ad annos aliquot asserves, ita ut injuriis externis non sint exposita, vix discrimen in colore, duritie, magnitudine observabis. Dn. *Du Four* consultum arbitratur, Café, ut ipse fecit, ex locis Natali finitimis subinde petere : agnoscit tamen, hæc nos etiam ratione fraudibus esse obnoxios : Et quamvis ratio suadeat, annosa fieri leviora & obscuriora ; ille tamen scribit c. 5. de Café, esse, qui præ cæteris dignotionem granorum Café acquisivisse sibi videntur, qui fidem faciant, grana Café colore subflavo & minoris ponderis, subalbis majoris ponderis præferenda, cujus equidem assertio- nis libenter intelligeremus rationem. His ita se habentibus, manet nobis ratum, salvâ recentium in Arabia prærogativâ, grana Café postquam semel, quacunque tandem ratione, summè exsiccata sunt, ut ad nos perferuntur, integritatem per aliquot annos suam servare, ætatem autem eorum non facile dignosci. In genere hodie Galli præferunt, cæteris pa-

ribus Café, quod Massilia Cairo & hæc ex Arabia recipit, illi quod Batavi Rhotomagum curant, unde in varias provincias transmittitur; quia illud tamdiu navi non vehitur, nec præsumptio est, diu sub Mercatorum fornicibus latuisse. vid. *Du Four* c. 5. & *de Blegny*; qui agnoscit tamen, vilioris pretij speciem eâdem viâ advehi. c. 3. Ad delectum denique pertinere, ut quæcunque admixta aliena sequestrentur & ab usu excludantur, omnes intelligunt.

§. 28. II. Café grana quæ bonæ notæ æstimant, ad imitationem Orientalium, *Torrefactioni* subiiciunt. Est autem *Torrefactio* quam adhibent, non nuda arefactio, sed adustionis particeps præparatio. Aduktionem indicat fumosus odor: & populus, dum præparatur maxime, & in potu quoque, hordeum adustum vel etiam fabas vel pisa in prunas coniecta & ustulata redolere, contendit. In illa ipsa autem præparatione adornanda, nescio quid secretæ artis jactant, cuius pauci sint compotes, quam nemo nisi longo usu & experienciâ perdiscat, quamvis multi illius se jactent peritos; cum interim Café vel nimis torrefactum & adustum vel non satis torrefactum, omne sit inutile, unde procul dubio multi, quibus potus Café commendatur, votis suis excidunt v. Dn. *Du Four* c. 5. & Dn. *de Blegny*. c. 3. Dextetitatem singularem hac in re requiri, vel inde constat, quod Dn. *Bernier* qui Cairi, quæ una ex vastissimis Orientis urbibus, ubi potus Café omnibus familiaris, diu commoratus est, refert, fuisse suo tempore duos tantum tabernarios, in tanta multitudine illorum, quos, ut perfecte torrefaciendi Café peritos, fama commendavit.

§. 29. Dn. *Du Four* satis gnarus, magnam partem eorum, qui Café torrefaciendo, inque farinam redigendo, & ex tosto potum adornando divendendoque, victum & lucrum quæritant, ignorare veram Methodum torrefaciendi Café, damnat illorum quidem audaciam; Ipse vero usu & experienciâ longâ tum propriâ, tum alienâ, amicorum sc. artis peritorum, (quorum nonnulli maximam vitæ partem in regionibus Orientalibus transfugerunt, & amore illius potus
capti

capti, circa minima etiam, quæ præparationem spectant, curiosi fuerunt) certior de Café torrefaciendi & tostum in farinam redigendi ratione & methodo, hanc publici juris fecit, quando in hunc sensum scribit. c. 5. de Café. *Accipe* (Retinemus verba Interpretis Latini prioris editionis, quia nil mutatum quoad torrefactionem in ultima notamus) *quæ torrefacere vis grana Bun* (voce illa in præsentiarum utor, ut sententia eorum me accomodem, qui, priusquam in pulverem redactum fuerit, Café vocandum esse negant,) dummodo duarum aut trium librarum, pro singula vice, quantitatem non excedant: quo minori enim quantitate sumuntur grana, eo melius torrefiunt. *Sartagini aut aneæ lanci, vel si mavis, pelvi fictili superpositæ igni carbonum, probe, sine flamma tamen, accenso, injicias; cura deinde, ut statim atque ipsa incalescere animadverteris, cochleari ferreo vel spatula indefinenter agitentur, & sic singula grana æqualiter ignis vim recipiant, donec semiusta appareant, cavendo maxime ne ulterius progrediatur ustio: quod Tibi innotescet, cum colore castaneo & subnigro grana tincta videbis, tuncq; igne eximas. Si debite peracta fuerit, jucundum veluti panis adusti odorem, sed cephalicum ac stomachicum magis, percipies. Torrefieri etiam potest in vase ex ferro albicante aut cupro stanneo confecto, quale videre est in tabella quam initio hujus Tractatus exhibeo, quod quidem granis impletur, tegitur operculo & ad ignem carbonum valde accensum circumagitur, donec satis torrefacta sint. Hoc pacto haud dubie minori quantitate ac in pelvi fictili detecta, partes volatiles evanescerent, indeq; melius evaderet. Licet tamen modum istum pluries experiri conatus sim, nunquam res ex sententia cessit; aliorum forsân voto & experimentis succedet. Et paulo post. En describo modum facilem, quo in torrefaciendo Café nunquam aberres. Si autem semel Café inveneris tuo temperamento sanum, illius in specimen pugillum asserva, & torrefaciendo cum ipsum probe coctum videris, quædam ex intervallo contunde grana, donec farina eodem colore imbuatur; hac cautione vix intento frustraberis. Confer Dn. de Blegny c. 3. Hic vas seu instrumentum quod granis Café repletum ad ignem circumagitur, donec illa satis torrefacta, non probat, maxime, quod particulæ igneæ pene-*

grantes, partes volatiles per foraminula opposita expellant; cum in sartagine, motitatis granis, pars particularum volatili-um agatur iterum in grana. Hoc vero magnum videtur postulat-um; & causa allegata modum supponit, sine quo ad ignem, æque facile, volatilia quæ sunt, quâ data porta, e-volare possunt. Idem l. c. commemorat, se invenisse novum aliquem modum torrefaciendi grana Café, in instrumento superiori non dissimili, sed duplici, in fornace Reverberij, quo torrefactio sine adustione, seu ut ipse loquitur, ita fiat, ut gra-na præparationi subjecta, particulis, ut vulgo quidem fit, igneis non imprægnentur & præcisè ad exoptatum gradum torreantur. Figuram tamen tum instrumenti tum fornacis non exhibet, quod adhuc aptiorem modum animo volvat.

§. 30. Tosta grana in farinam comminere sequenti ratione docet Dn. Du Four. *Grana decocta contundes, & in pul-verem rediges: non multum concisa Orientalibus placent, Gallis vero ita tenuia, ut subtilissimum cribrum transire queant. Granis decoctis & contusis, apprime cavendum ne evanida fiat farina: huic enim magis est obnoxia, quam Vinum ipsum: & si semel vappida sit, nulli rei amplius conducit; ejus qualitates enim non modo debilitantur sed penitus pereunt: quod nunquam non vitare debemus. Curandum igitur molito grano, farinam corio adipe exterius uncto, aut cerato in-cludi, ita ut nec per corij poros, nec per sacci suturas, ullus aëri detur aditus: subito igitur stringendus saccus ad Café superficiem usque, nec nisi ad usum aperiendus, tuncq; cochleari utendum est, ut proti-nus & cum diligentia religetur. Ratio hujus est, quod virtus Café ma-xima in spiritibus, qui per torrefactionem elevantur, consistat, qui si evanuerint, non nisi magma aut insipida quadam farina, mucidum & situm redolens, superstes erit, illiusq; decoctio aque injucunda est, ac sanitati noxia. Hoc animadvertere est, cum farina, loco odoris panis calidi & adusti, mucidum olet. Quo diutius asservatur, eo minoris est virtutis, indies odorem & saporem balsamicum, qui igne excitatur, aëre vero dissipatur, amittendo. Minimâ igitur & qua solum opus est quantitate pro singula vice, & ipsum sumendi imminente tem-pore, molendum est, ut majoris jucunditatis & utilitatis sit portio. Hâc, utpote præstantiori, methodo utuntur Arabiae desertæ incolæ; molesta*

tamen

tamen est iis, qui jucunditatem sine curis experunt. Interim aliter agere & in tertium & quartum mensem congestam servare farinam, præcipuum negligere est. In hac iterum circa comminutionem in pulverem, & farinæ conservationem præcautione & diligentia Dn. de Blegny non acquiescit, sed parvis molis, comminutioni aromatum alias destinatis, quibus inferius aptatus sit saccus coriaceus, jubet atterere grana Café, ut in hunc farina decadat, nec aër externus illi se insinuare queat, & minor partium volatilium jactura fiat. Cribrum etiam hunc in finem non nisi tectum & munitum probat. Et hic quidem apparatus & processus præferendus utique videtur, si optio datur. Damnato etiam illorum more, qui pulverem præparatum in charta solum bibula exponunt in Officinis suis, satis sæpe diu, ad mercaturam, vult asservari pulverem in vasis ligneis, operculis tornatilibus, plumbo & corio rubro munitis. Notanda autem etiam fraus quorundam in præparatione huius farinæ lucri causa inventa, quando duabus partibus pulveris Café tosti, miscent tertiam partem panis tosti modice ducti, phaseolorum aut fabarum; quæ fraudulenta adulteratio vix à peritissimis cognoscitur. Unde monet Dn. Du Four nisi in præsentia nostra tostio sit adornata, non quibuslibet Tabernariis, sed solum integræ famæ & fidei qui sunt, fidem habendam. Confer de Blegny de Café. c. 3. & 4. qui Pisa præcipue minora, quæ ex Hispania petuntur, fraudi inservire cognovit.

§. 31. III. Farinam dicta ratione ex granis Café torrefactis, ut decoquant, non quævis probatur olla ad decoctionem aliarum rerum idonea; sed, ad imitationem Orientalium, vas cupreum intus stanno obductum, quantum fieri potest accedens ad illud vasis genus, quod in Oriente decoctioni Café destinatum, intus & extus stanno obductum, singulari quadam dexteritate, quam Europæi hætenus, quamvis omnem eum in finem lapidem moverint, imitari non potuerunt, quod Ibriq, sicut quævis ansata vasa, appellatur, & cujus figuram exhibet Dn. Du Four in limine Tractatus de Café. Hinc quæ Europæi adhibent vasa seu ollas, unius

formæ non sunt, ut videre est ap. Dn. *De Blegny* Tract. de *Café*. In eo conveniunt omnes, quod ventre sint amplo, ut celerius recepta vi ignis, coctio sit promptior; nec non in eo, quod operculo clausa, collo sint angusto, ne volatile spiritus evolent & avolent, ut loquuntur. Cave tamen, ne in rigore hoc accipias. Nam illorum particulam in auras evanescere, facile intelligitur. Sunt qui minus curiosi, contenti sunt ollâ figulinâ vitreatâ, aut cupreâ stanno obductâ, quales apud nos in culinis quotidiani ad varia usus; quorum institutum priorum illorum consuetudini saltem non præferendum. Sunt qui, sicut cætera vasa, ollas ex argento adornari curant, intus inaurari, quæ omnium minime alienam qualitatem liquori communicant.

§. 32. IV. Decoctionem ipsam quod attinet, video illam adornare Tabernarios ac privatos ad eum ferè modum quem designavit Dn. *Du Four* c. 6. plenius aliis, qui partes notarunt, quos propterea non allegamus. Ita autem illa se habet. Ollæ idoneæ supra designatæ infundunt Aquæ simpl. ℥x. vel ℥xij. Ollam imponunt prunis seu carbonibus vivis; post effervescentiam modicam, quam bullarum emergio indicat, injiciunt pulveris *Café* præparati ℥iij, omnem moventes lapidem, ne ebullitione quicquam extra ollam feratur, cum immerso in aquam bullientem pulvere, sine mora illa incredibili celeritate spumescat & attollatur. Hanc ob causam intentum semper oculum habent ad aquam, & quam primum illa accedit ad ollæ labia, illam ab igne retrahunt ac iterum iterumque admovent, ut duodecies præterpropter adhuc bulliat, summo studio caventes, ne quicquam effundatur, cum factâ jacturâ partis, actum esset de omni spiritus virtute. His peractis, cineribus satis calidis ollam imponunt, ut calor liquoris conservetur sine ebullitione, magma sæculentum fundum petat, & decoctio fiat limpida. Quoniam tamen non omnino certi esse possunt, an recentius an vetustius sit, an majorem vel minorem virium jacturam fecerit *Café*, propterea facta decoctione, linguâ periculum faciunt, ut, si res ita postulet, pulveris quantitatem augeant, ad palatum hospitem se accommo-

commo-

commodantes. Præparatum liquorem poculis infundunt per inclinationem ollæ, ne magma sæculentum quod inutile prorsus est, denuo misceatur, decoctum spissius aut turbidum damnantes; damnantes quoq; illorum institutum, qui, ut decoctum spissius reddatur, pulverem Café subinde in aqua agitant, ut pulverem, sicut substantiam Chocolatæ in liquore hauriant, quia, ut dictum, post extractionem pulvis nullius est momenti. Confer Dn. *Blegny* de Café. c. 5. Notatum modò modum commendat etiam D. *Johannes de Muralto* Ephemerid. German. Decad. II. An. 8. Obs. 5.

§. 33. Facit tamen Dn. *Du Four* diversæ à priori Decoctionis mentionem, quam illâ commodiorem pronunciat. Coniiciunt sc. quidam præparatum pulverem Café, eâdem dosi, in eandem quantitatem aquæ frigidæ in olla idonea; hanc igni admovent, & decoquunt supra dictâ ratione. Arabibus & Magnatibus in Orientalibus plagis hunc modum magis familiarem esse scribit, præcipue dum iter faciunt & in castris. Dn. tamen *de Blegny* hunc modum plane improbat, quod fieri nequeat, quin, si dicto modo instituatur, volatilium particularum pars evolet & avolet, antequam prima ebullitio fiat. Verum frustra forsân curamus minima. Certe, qua ratione communiter etiam coquitur, opercula ollarum non negant omnem partibus volatilibus exitum: Et quando fervens liquor in poculis ministratur, dum expectant, donec, minuto fervore, forbilis fiat, nonne etiam ejus, quod evolare aptum natum est, pars, tenues evanescit in auras?

§. 34. Dn. *de Blegny* denique scribit, si nihil velimus omittere eorum, quæ in artis potestate sunt, satius videri, præferre, vel lignis vel carbonibus, dum potus Café adornatur, ignem Lampadis quem vocant, accenso sc. vini spiritu rectificato in fornace argentea, vel ex lamina ferrea stanno obducta, præcipue Anglicano. Totum apparatus figuris representatum vide Tr. de Café c. 5. Ipse tamen paulo post recenset incommoda, quæ hanc vel curiositatem vel luxum sequuntur: qua etiam de causa alium apparatus pretiosum portatilem, incomplete tamen, proponit, cujus supplementa
nos

nos quidem hactenus non vidimus. Memores igitur incommodorum, statuimus etiam hic, quod fieri potest per pauca, consultum non esse, fieri per plura.

§. 35. *Potus* ipse paratus secundum hactenus dicta, debet esse *limpidus*. Quamvis autem dictum, qua ratione tali obtineatur; Dn. tamen *de Blegny* iterum accessiones quasdam suggerit ad notatam diligentiam. Nimirum ut pulvis celerius ad fundum præcipitetur, jubet instillari aliquot guttas aquæ frigidæ, eo ipso momento, quo olla ab igne retrahitur. Deinde vult præferri omnibus Ollam fundi latioris s. amplioris, & cujus rostrum aptatum filtrum habeat, ne quicquam cum pulvere transeat, aut ei inhæreat dum ministratur. Prior illa videtur necessaria, quando periculum in mora: posteriorem vero quod attinet, arbitramur, in hisce etiam nimiam diligentiam nocere non posse.

§. 36. *Coloris* hujus *Potus* non omnes faciunt mentionem, & inter illos, qui illum indicare voluerunt, non omnino convenit. Primus omnium *Rauvvolfius* loc. cit. *Potionem instar atramenti nigram* vocat. *Johannes Albertus von Mandeslo* Itiner. c. XI. scribit, Persis etiam in usu esse pro potu, Aquam nigram Café nominatam. Idem asserit, *Olearius* Itiner. Persic. l. V. c. 17. *Petrus della Valle*. Epist. III. ait. Inter Turcas potum nigrum obtinere, huncque Café appellare. Dn. *du Four*. c. 6. refert, Gallos, præcipue Parisienses, propter nimiam, quam addunt, Sacchari quantitatem, ex aqua nigra Café, facere Syrupum. Idem tamen paulo ante dixerat, debere esse aquam tinctam coloris rubri aut subrubri. (*d'une couleur rouffatre*) *Duloir* in sua Relatione vocat rubicundam, (*Cahvé*, ait, est *une eau rousse*.) Interpres Latinus Tractatus Dn. *Du Four* non semel subflavam aquam vocat. Diversitas autem Tincturæ dependet à modò & gradu torrefactionis & adustionis, cujus illa nunc magis nunc minus particeps, sensu, hodie etiam apud nos, faciente fidem.

§. 37. *Odorem & Saporem* quod attinet, laudatur ab his culpatur ab illis. Qui tamen scapham scapham appellare amant, fatentur, eum esse amarum, ingratum, & adustionem redo-

redolere. *Petrus della Valle* scribit, l. c. Obscurum esse saporem : si agnoscendus singularis aliquis in illo, se nescire in quo consistat. *Olearius*. lib. V. Itiner. Pers. c. 17. Ingratum & ambustæ rei saporem habere, scribit. *De Thevenot*. l. c. Potum refert amarum esse & adustionis participem. *Duloir* in Itiner. Orient. fumum referre. *Eduardus Terry* Anglus & Dn. de *Bourges* l. c. notant, Potum Café palato non arridere, valde tamen ad sanitatem conferre. Qui in universum tenuiter sentit de exoticis istis, Thee, Café, & Chocolata, Dn. D. *Simon Pauli*, postquam Potum Thee, ut ingratum amarum, & subadstringentis saporis perstrinxit, ait, *Idem de Chocolata Indæ & Cahyæ Persarum aqua asserendum est; & hæc tria decocta palato nostro vulgo alias non gratiora sunt, quam vilium pyrorum Europæorum decoctum; & ut verbo dixerim, eine hochteutsche Hoxelbrühe.* Qui tamen à suavitate etiam hunc potum commendare fatagunt, subamarum (un peu amer) eum esse debere scribunt, ut post alios Dn. *Du Four*. c. 6. Certi verò, quam plurimos à se impetrare non posse, ut suave credant, amarum quod est, suavitatem illi conciliare docent, comuniter quidem saccharo, rarius Caryophyllis, Cardamomo, sed in modica quantitate, quia major quantitas addita virtutes Café imminuit, persuasum habent. Unde *Du Four* Gallorum & præcipue Parisiensium morem perstringit, quod potionem limpidam in Syrupum nigricantem convertant; quod respuant amarorem, & Saccharum ipsis sit magis ad palatum. Qui delicias & voluptates amant, singulis pocillis admiscent aliquot guttas essentiae Ambrae, aut sacchari Ambrae fragrantia imprægnati modicum. Argumentum pro suavitate nullum duci potest inde, quod, quamvis potus Café plerisque omnibus, quando periculum faciunt, aut sorbillare illum fatagunt, propter amarorem non arrideat, attamen assuescant ei facile, & postquam assueverint, amarorem collaudent. Monuimus enim alibi, Assuetudinem ingratos etiam ori conciliare sapes, naribusq; odores, declarantes illud exemplo Cerevisiæ, Nicotianæ, Casei antiqui, & quæ sunt similia.

§. 38. Hunc etiam Potum *calidissimum* sumendum omnes vel exemplo vel præcepto docent, quod quo calidior potus ille, eo salubrior : Unde ferventem offerunt, ut calidus potetur. Eundem etiam potum non pleno haustu aut continual serie bibere, (qui Græcorum forsan veterum & Romanorum mos fuit, apud quos in lautis etiam convivii *Calidæ* locus & honor fuit, quæ & in thermopoliis publicis quotidie placuit, ut in Dissert. de Potu calido notavimus,) sed *forbillare* seu minutatim paulatimq; sorbere, exemplo suo docuerunt Orientales, & didicerunt Europæi. Ratio forsan moris & præcepti est, quod hâc liquor ille ratione calidior in ventriculum admittatur, cum continuâ serie haustus, læderet partes oris & faucium. Curiose designat, Dn. *du Four*, quomodo os componendum, ne lingua vel illius partes adurantur, dum monet, extremitatem poculi inter labium inferius & superius ita admovendam ori, ut labio non innitatur, sorbitio tamen fieri queat. Idem satagit explicare, quare potus Café præcalidus minus lædat partes oris, linguæ, quam aqua simplex eodem gradu calida, dum suspicatur, hoc accidere, quod nobilior portio pulveris in potu limpidi remanens, vim penetrandi impediat. Sed priori quidem illa cautione opus non esset, si propter subtilissimam pulveris, quam clarus liquor retinet, substantiam, vis penetrandi in eo imminueretur. Et profecto cum illa summa potus activitate, quæ tantopere aliâs celebratur, proprietas quidem illa male cohæreret.

§. 39. Quoniam autem ita calidissimum ad tolerantiam forbillare hunc liquorem mos est, & quidem minutatim & paulatim, ut dictum, multis, præcipue puellis formæ studiosis & mulieribus, quicquid ad formositatem conservandam facit, conservare cupientibus, hic potus suspectus potest videri, metuentibus, ne sorbitio tantum non fervida, nigrore dentes deturpet, cariem & cætera dentium mala inducat; quia aliâs Pulveres ferventes faciunt corrumpere dentes. Verum, post alios, fidem facit Dn. *Du Four*. Orientales sorbitioni calidæ deditissimos, dentes non habere nigriores Europæis,

pæis, aut magis cariosos. Imo monet, contra nigredinem dentium remedium ex sedimento seu pulvere Café ad fundum, dum decoctum paratur, præcipitato, sicut ex cineribus Tabaci, peti posse. Hactenus de potioribus hujus Potus requisitis.

§. 40. *Causam impulsivam*, quare hoc præ cæteris potus genus placeat Orientalibus, jam olim expressit *Veslingius* ad cap. 16. *Prosp. Alpin.* de Plantis Ægyptiorum, quando scribit; *Potus ex hujus sc. fructus decoctione paratus aliquot mille tabernis in Urbe Memphi divenditur, quem adhuc calentem ingens hominum multitudo pirissando sorbillat, sive otij sui oblectamentum sive bonæ valetudini firmamentum quærat, præcipueq; quum Cor aut Venter languor occupat,*

Stomachog₃ tumultum

— Lenta parit pituita.

Nimirum vel oblectationis & otij fallendi causâ, vel sanitatis seu conservandæ seu recuperandæ causâ, hoc potus genus aliis præferunt. Seu, quod idem est, vel Medicè vel otiosè bibitur, ut loquitur *Dn. Willis.* de Anim. Brut. Part. II. c. 5.

§. 41. Non legimus, etiam ubi fructus nascitur, vel recens ex loco natali recipitur, in pulmentum eum coqui, instar fabarum vel phaseolorum aut pisorum, aut pulmentarem cibum ex farina illius confici; ut omnino crederem, pro esculento apud Orientales omnino non admitti, nisi *Dn. Veslingius* certiores nos reddidisset, *Non deesse inter Ægyptios, qui nucleum fructus integrum saccharo incrustatum inter bellaria sua debellent.* Obs. ad c. 16. *Prosp. Alpin.* Curiosus equidem nuper *Dn. du Four* hac de re dubitans, consuluit nonnullos Amicos, qui diu in locis Orientalibus hæserunt; illi autem omnes unanimiter affirmarunt, ita se rem habere, addentes, ejusmodi Confectionem familiarem esse Ægyptiis, & in pretio haberi; ita ut ipse de re non amplius dubitans, conatus sit, (quamvis frustra) illud bellarij genus imitari v. ejus cap. 8. de Café. Sive autem hoc, sive illo, sive isto modo in escam veniat, videtur non nisi alimentum concoctu difficile præbere, ventriculum gravare, sanguini lentorem & visciditatem,

obstructiones, in minimis præcipue viscerum vasculis, parere; tanto magis, quia fundum petens pulvis præparatus, continuato usu, simili ratione nocet, ut notat post alios Dn. Blegny. de Café. c. 2. Et hoc ipsum videtur insinuare Dn. Vestlingius, quando Ægyptios Nucleum fructus integrum Saccharo obductum, *inter bellaria sua debellare* scribit.

§. 42. Potum autem quod attinet, quamvis apud primos scriptores altum ea de resiliens, Recentiores tamen tradunt, Turcis plane persuasum esse, illum non sanitatis tantum conservandæ vel recuperandæ causâ commendari, sed & nutritioni inservire & nutrire. Dn. Du Four. c. 3. mentionem facit plurimum, quos in regionibus Orientalibus habeat amicorum, qui per literas ipsum monuerint, quibus res angusta domi, ob causas œconomicas uti hoc potu; imo esse non paucos in plagis istis opifices, qui haustis mane aliquot poculis Café, & per intervalla deinde uno vel altero, continent suos labores, nullo per integrum diem sumpto cibo; addit, Maximam partem peregrinatorum hoc confirmare. Dn. Bernier in Epist. alleg. de seipso memorat, Postquam per assuetudinem ipsi placuit potus Café, se deprehendisse, quod multum nutriet; addens, hausto mane poculo paulo majori hujus potus, qui faciunt iter, ad 7. ad 8. horas cibo carere posse: hinc non Cursorem, non Militem esse, qui non compendioso apparatu pro potu Café sit instructus. Et qui nutrire illum asserunt, tradunt, Café oleaceum qui in eo est succum, non tantum fermentum stomachi attemperare, vellicationem membranarum minuere, & appetentiam ciborum aliquantum suspendere, sed & aptum natum esse, qui in succum nutritium convertatur. annotante Dn. Du Four: In & cum lacte nutrire, imo pinguefacere etiam Europæos, scripsit ad Dn. Du Four, celebris Medicus Gratianopolitanus. D. Monin. & exemplis s. Experientia assertionem confirmat. In Europa tamen agnoscunt iidem nutriendi vim minus evidenter observari, quod sc. dum ex remotissimis à nobis regionibus, in nostras importatur, oleacei succi fiat jactura. Dn. Bernier in Epist. cit. refert, se per sesquiannum quo versabatur in Ægy-

Ægypto, abhorruisse à potu Café: Cum vero per spatium 5. vel 6. septimanarum, in Arabia Felice, Louhajæ & Mokæ degeret, se amore illius mirum in modum captum, illumq; hau-
fisse sine saccharo: quod sc. ibi longe, quam in locis aliis re-
motioribus, præstantius sit Café, quia recentius. Cum fru-
ctus se habeat sicut Amygdalæ aut fabæ nostræ, quæ si diu
asserventur, multum de sapore omnino exsiccatae amittant.

§. 43. Nos de fide historica minime dubitamus; &
quod de pressis egestate, Opificibus, Cursoribus, Militibus in
Oriente commemoratur, libenter accipimus, & dictâ ratione
illos, minus latrante Ventriculo, facilius tolerare famem, fa-
cile intelligimus. Cum vero Nutritio vera, sit Alimenti bene-
ficio viscerum accommodati, in substantiam corporis nutri-
endi conversio; an potus ille in succum nutritium & substan-
tiam ipsius corporis converti aptus natus sit, equidem du-
bitamus, si in memoriam nobis revocamus, quantillum sit id,
quod in methodica decoctione Café, pulvere fundum petente,
præter spiritum & sal volatile in aqua ramaneat, quod aptum,
natum sit, converti in corporis Substantiam. Magis propterea
placet nobis Dn. D. Joh. Nicolai Pechlini assertio; *Hunc potum minus
alibilem, magis medicatum esse.* (v. Theoph. Bibacul.) quam illa
Dn. de Blegny. *Hunc potum esse Alimentum medicamentosum.* Nam Ali-
mentum medicamentosum exuperante, ut Fernelius loquitur,
qualitate, corpus alterandi vim habet, ut Lactuca, vinum ge-
nerosum, cotoneum malum, sed magnam partem faceffit &
convertitur in nutriendi corporis substantiam, atque ita illud
alit, imo ætate idoneâ ei incrementum largitur: quod de Ca-
fé extractione in Potu Café utique dici non potest. Quod
autem in & cum lacte nutriat, & pinguefaciat, præter expe-
rientiam rationi consentaneum. Nam dulcis ille candicans
succus, à natura ipsa in uberibus nutritoni accommodatus, si
virtute Café imprægnetur, quia hæc digestionem distributio-
nemque juvat, tanto felicius nutrit & auget corpus. Aliàs
denique caute agunt, qui vim nutritoriam in Europa non
admodum jactant. Ratiocinium Domini de Blegny. c. 2. quan-
do insinuare nobis satagit, in Potu Café, esse particulas pin-

gues & æthereas, has dulcem Lacti unctuositatem conciliare & se unire cum butyrosa Lactis parte, non sequestratâ se-rositate, quod particularum ætherearum prædominium arguat, satis commode explicamus, tribuentes Lacti quod Lactis est.

§. 44. *Oblectationis & otij fallendi causa* placere, nisi sensus jam apud nos fidem faceret, intelligeretur, quod inter Historicos & celebriores peregrinatores, qui observationes suas literarum monumentis hac de re consignarunt, conveniat, Orientales populos, præcipue Turcas, non tantum in privatis suis ædibus, potum Café in quotidiano usu habere, sed & urbanitatis partem non minimam constituere in congregationibus, congressibus amicorum, cum deesse officio videretur, qui in honesto congressu Café non offerret; eosdemque thermopolia seu tabernas *Cavehane* dictas, quæ plures in præcipuis Urbium locis noctes atque dies patent, frequentare, & uno eodemque die iterum iterumque in illa se conferre; in eodem thermopolio diversissimi status & conditionis homines accumbere, & inter confabulationes varias tempus tenere; quosdam de negotiis ad rationem status, ut loquuntur, pertinentibus, de revolutionibus Imperiorum, de pace, de bello, sermones miscere, alios hilaritati indulgere, facetiis jocisque provocare alios, alios lepore sermonis & urbanitate certare: Imo Dominos tabernarum ita illas instruere & in iis adornare omnia, ut nihil desit ad plenam commoditatem, & eam, quam quærunt non pauci, voluptatem: Eum in finem eosdem alere Musicos, tum vocales tum instrumentales, qui sorbillantibus placeant, ut diutius hæreant, sæpius redeant, aliosque in societatem pertrahant: Nunquam deesse frequentiam dictis in tabernis, inprimis tamen horâ tertiâ promeridianâ ad quartam, quod tempus precibus destinatum est, populum catervatim ruere ad illas, tanquam ad delicias quibus carere non possint: Apud Magnates etiam in officiis urbanitatis exhibendis, & gratia designanda, illius magnam partem constituere oblatam sorbitionem: imo supremos Imperij ministros æque ac cives, omnibus quos gratiose excipere vo-

re volunt, sorbitionem Café offerre. Ipsum magnum Viscerium nullum Legatum admittere, cui non, præter cætera, offeratur sorbitio Café, cuius omissio indignationem indicaret; quæ pleraque annotavit Dn. Philippus *Sylvester du Four*. in Tract. de Potu Café, subjunctis verbis vel verborum versione autorum, ex quibus illa, quæ non propria experientia vel amicorum oculata fides subministravit, habet. Sunt illi, *Prosper Alpinus*, de Plantis Ægypti, & de Medicina Ægyptiorum. *Johannes Veslingius* in Observ. & not. ad illum. *Petrus della Valle*, Patricius Romanus in Epist. Dn. *de Thevenot* in Relation. histor. *Eduard Terry* Anglus in Relation. *Duloir* in Itinerar. de *Bourges* in descriptione Itineris Episcopi de *Beryte*. Quibus tamen addenda, quæ ante omnes habet *Leonhardus Rauvolfius*, in Itinerario. *Johan. Veslingius* in Epist. ad Patr. Athanasium Kircherum, n. 55. D. *Dapper* in descriptione Arabiæ, Belgico primum, deinde Germanico idiomate edita.

§. 45. *Valetudini firmamentum* in hoc potu quærere, ut loquitur Dn. *Veslingius*, vel Sanitatis conservandæ causâ familiarem sibi eum habere Orientales, tradunt supra notati authores, & hoc nomine, Mahometanos præcipue, omnes, omni mane, Nobiles & plebejos, Mares & feminas, Pueros, Juvenes, Viros & Senes, omni anni tempore, nisi quando religio vetat, aut aliud quid obstat, postquam surrexerunt, fufis precibus, sive sint domi sive foris, vel iter faciant, unum & alterum istius potus pocillum, quæ Fingeans nominant, exhaurire, non jejunos, quia officeret sanitati, sed postquam edulium aliquod assumerunt: non in prandio sed post prandium. Magnatibus quoniam prandium in secundam post meridiem horam differtur, opipara jentacula adparari, post quæ demum illi Café sorbillant; Mercatores etiam & opifices ante sorbitionem manducare buccellam panis hunc in finem parati, qui in quibusdam regionibus *Futier*, in aliis *Quaqui* nominatur, & pani biscocto forma latiori non est absimilis: imo omnes sorbitioni matutinæ præmittere cibum aliquem; propter quam causam omni mane multitudo hominum qui panem illum *Futier* dictum, panem biscoctum, panes condi-

men-

ment arios, placentas & similia, divendendi causa ad thermopolia convolant, quia potum Café sorbillare cupientes, omnes esculentum aliquod præmittere, operæ pretium esse plane persuasum habeant, adeo ut sanitatis rationem habentes in proverbio dicant, Si nulla esca suppetat, quæ sorbitioni præmittatur, globulum vestiarius ex toga deglutiendum, aut omnino abstinendum; qua de re suo loco. *Petrus della Valle* Patricius Romanus Epistolâ III. Constantinopoli scriptâ, refert, quando plures sunt unâ, qui Café offerunt servos singulis sorbillantibus aliquot semina Melonum masticanda exhibere. Dn. tamen *du Four* fidem non habet Illustri peregrinatori; forsan quia apud alios Scriptores & Peregrinatores altum de his seminibus silentium. Sed forsan ille magis incidit in eos, qui refrigeranti Café potui (habuit enim persuasum, duplicem potum Café parari; alterum æstate refrigerantem, alterum hyeme calefacientem) semina Melonum refrigerantia, illa masticando, jungerent; quamvis vulgo in alium finem esculenta præmitterent. Refert ille, seipsum in Orientalibus plagis, per æstatem, refrigerationis causâ, & potum illum sorbillasse & semina Melonum eundem sc. in finem, non sine successu masticasse; quod procul dubio ad imitationem aliorum factum.

§. 46. *In morbis denique auxilium ferre ex mente Orientalium, constat etiam ex ijs quæ laudati scriptores literarum monumentis tradiderunt; quorum nonnulli non minores Café laudes in morbis attribuunt, (de quibus infra) quam de cantatissimo Theé potui, de cujus elogiis peculiari Dissertatione egimus; atq; hætenus quidem de ijs quæ ad Historiam Potus Café pertinent.*

§. 47. *Medicæ autem considerationis specialius sunt, Café temperamentum, qualitates & proprietates, unde mirabile effectus dependent. Agnoscimus enim temperamenta, qualitates & proprietates in rebus naturalibus, & retinemus eorum nomina, quibus cultiores gentes utuntur omnes, & quibus etiam carere non possunt, quibus, quacunque tandem de causa, recepta quæ sunt, tædium faciunt; quamvis institut*
nostri

noſtri ratio non permittat, ut ad illam de origine tempera-
mentorum, qualitatū & proprietatum ex primis principiis
ſubinde agitātā, nunquam diſcuſſā diſputationem dila-
bamur, quæ quā lubrica ſit, abunde oſtendit Vir ingenio-
ſiſſimus & eruditiſſimus Dn. *Robertus Boyle*, in Chymiſta ſuo
Sceptico.

§. 48. De Temperamento verò, vel potius qualitatibus
eminentibus Caſé, authores non videntur ſatis diſtincte lo-
cuti. *Proſper Alpinus* de Medicin. Ægypt. lib. IV. c. 3. hæc ha-
bet. Illius Decocti facultas eſt frigida & Sicca, quoad qualitates
primas temperata, cui etiam miſta eſt caliditas, quando illa ſemina
ex duplici ſubſtantia conſtant, altera craſſā & terreā, quā cogunt
& roborant; alterā calida in tenui ſubſtantia fundata, frigidaq; mo-
dice prævalenti, quā calefaciunt, abſtergunt, obſtructaque aperiunt.
Johannes Veſlingius ita. Qualitatum quas manifeſtas vocant, harmo-
nia in hoc fructu diſpar eſt. Cortex enim frigidi particeps, cum ex-
ſuperante tamen ſiccitate; nucleus vero moderate calidus. Ille levi
quadam aciditate, hic evidenti amaritudine linguae ſenſum haud in-
clementer afficit. Itaq; nec ſtomacho naſeam infert, quantumvis
decoctum largius ſumatur, nec intenſiore caloris gradu eidem infe-
ſtum eſt; ſaltem modice torrefiat, atq; in marmore piſtillo ligneo con-
tuſum ſit. Corticis decoctum inter æſtivos ardores rectius febrici-
tantibus exhibetur: ruruſq; cum frigidi & craſſi ſucci, viſcera com-
munesq; corporis ductus noxiis inſarctū impediunt, alterum è toſto
contuſoq; nucleo præferendum eſt, haud neglecto tamen utriuſque, cum
id uſus exigit, temperamento. Dn. *Olearius* (quem ſequitur Dn.
D. Simon Pauli) lib. V. c. 17. ſcribit, famam eſſe apud Perſas,
Caſé admodum refrigerare & ſterilitatem refrigerando in-
ducere, Venereosque ſtimulos extingui. Dn. *du Four*, ad
probandum, Caſé torrefactum temperatum eſſe, probabilem
nexuit rationem, quæ interpretis verbis talis eſt. Temperata
Caſé qualitatis ratio haud diſſicilis diſquiſitionis eſt. Caſé naturā ſuā
ſpecies eſt quedam leguminis, glutinoſi & terreſtris, quod ipſum in
alimentum ſumtum, ſanguinem craſſum & viſcidum efficiendi, conſe-
quenter refrigerandi vi tantummodo polleret. Sed cum torrefit, phleg-
matis pars conſumitur, ſpiritus exaltantur, unde ejus particule ſub-
tiles

tiles & vellicantes sunt. Interim quia Torrefactio haud vehemens est, & particulas terrestres satis adhuc superstites habet, quæ actionem præpediant, effectus moderatus & temperatura inter calorem & frigus mediæ eveniat, necesse est.

§. 49. Nos, memores grana Café ut exsiccata, nunquam recentia, ad nos perferuntur, nullo odore vel sapore eximio, factâ masticatione periculo, se commendare; de coctis etiam & in alimentum sumptis, nulla apud nos institui posse experimenta, & in annosis frustra institui, crassitiem autem & siccitatem in illis manifestam esse, ut, siquidem in escam venire deberent, crassum, solidum, siccum, terrestre alimentum videntur subministrare, notamus in illis nulla eximij caloris indicia se prodere. In granis autem Café tostis & adustis quis de calore & siccitate amplius dubitabit? *Si Non comedas crustam, choleram quia gignit adustam*, quid non de granis istis per tostionem adustis erit præsumendum, in quibus empyreuma est manifestum? Amaror (caloris index) etiam & adstrictoria vis tostione manifeste illis conciliatur; sicut eâdem idem ratione accidit in pane tosto, hordeo tosto, avena tosta, in aqua pane tosto correctâ, cerevisia ex hordeo tosto parata. Propterea, posito quod in exsiccatis Café granis spiritus sint immersi, vel, ut Dn. *Willis* loquitur, depressi (qua de re deinceps videbimus) ita ut activitatis nulla indicia se prodant, per tostionem autem iidem vinculis solutis, liberiores exaltentur, unde majorem activitatem & aptitudinem penetrandi, & penetrando partes afficiendi, acquirant; particulæ certe terrestres superstites, ut facile secedant, (sicut ex decoctione de qua §.32. apparet.) reformatæ, activitatem spirituum evolutorum & calorem illorum vix eo usque frangere valuerint, ut temperata potius quam calida dici debeant, & eorum effectus omnes moderati. Nemo facile in corpus admiserit pulverem tosti Café, quia siccitas, calor ex adustione & ipsum empyreuma in eo adeo evidentia; quæ omnia declarant eminentes in tosto Café sive integro, sive in pulverem redacto, qualitates quas primas vocant, esse calorem & siccitatem.

§. 50. Denique alia istarum qualitatum attemperatio in Potu Café, quando nimirum per tostionem præparati & in pulverem redacti Café modica admodum quantitas, aquæ respectivè copiosæ, qui mos est, incoquitur, quæ hinc amaroris & adstrictionis fit particeps : Atque ita ex quo Café innotuit & potus ex illo adornatus placere cœpit, varia à variis intentione quæsitum fuit, an hic calefaciendi an refrigerandi vim habeat ? Omnes autem in hac quæstione respiciunt ad corpus humanum, id quærentes, an hoc calefaciendi an refrigerandi vim habeat ? Nam quamvis nonnulli comparisonem cum aliis potulentorum generibus instituant, & potum Café, si comparetur cum vino, spiritu vini, & similibus, frigidum ; si comparetur cum Aqua simplici puteali vel fontana, ptisana aquosisque potionibus aliis, calidum pronuncient ; illa tamen comparatio ad institutum nostrum non pertinet, nisi quatenus involvit respectum ad corpus humanum. Quod si, ut sensum consulamus, ex Potatoribus Café, qui omnes, usu edocti, dignoscunt calidum à frigido, sciscitemur, an ab usu illius incalescant, an se refrigerari sentiant ? modo incidet in eos, qui hoc, modo in alios, qui illud constanter asserant. Imo invenias, qui fidem faciant, se nunquam evidentem aliquam alterationem ex usu illius percepisse, nisi quam aqua calida facit. Solus, quantum scio, *Petrus della Valle* Tom. I. Relat. asserit, hunc potum æstate frigefacere, hyeme calefacere. Si autem ad rationem nos recipiamus, illa, quoniam pulvis Café præparatus manifeste calidus & siccus, ut supra probatum, illi incoquitur, & eundem amaroris & adstrictionis participem facit, calefaciendi hunc vim habere, ut cætera amara, suadet : imo, cum aqua respectivè copiosa, magmate fundum petente, clara maneat, ex tenuiore potissimum substantia, volatili, magis mobili, calidiore vel, si ita vis, spirituosâ, tincturam & quæcunq; habet, accepisse, veritati est consentaneum.

§. 51. Quod igitur, quæ rationi obstare videntur, sensus & Experientiæ testimonia adeo diversa attinet, illa forsitan omnia trahunt, aliquid ex vero, nec tamen rationes pro

calore & siccitate Café adductas destruunt. Corpora humana in genere temperiem calidam & humidam habere dicuntur; hoc tamen non obstat, quo minus, comparatione factâ, alia sanguinea, alia cholericâ, alia phlegmatica, quædam etiam melancholica dicantur, omnia intra latitudinem sanitatis comprehensa. Horum corporum respectu continuatus Café potus, sicut continuari mos est, videtur ea omnino calefacere, modicus modice, excessivus immodice. Atque ita magna pars potatorum se sensum potius caloris quam frigoris observare, asseverant. Quæ vero p. N. corpora sunt Phlegmatica, Biliosa, Melancholica, illa aliâ atque aliâ ratione refrigerari & calefieri posse à potu Café, rationi videtur consentaneum. Nam quod Phlegmaticos v. g. & Melancholicos attinet; quoniam usus aquæ calidæ Café virtute imprægnatæ continuatus, pituitosos, lentos, viscidos aut tartareos, ut vocant, humores attenuandi dissolvendique vim habet, humores quidem illos ad exclusionem disponit, sanguinem autem mobiliorem & ad spirituum emersionem reddit aptiorem: hinc intelligas, quosdam etiam non bene sanos recte asserere, se ab usu hujus potus incallescere. Qui vero præcalido sunt p. N. temperamento & æstu humorum infestantur, eorum calorem p. N. hoc potus genere minui intelligimus, sicut aquam aut liquorem ebullientem alium affusione aquæ tepidæ aut paulo calidioris, videmus statim detumescere, & minuto calore quiescere. Qui, postquam strenue litarunt Baccho, incendio viscerum laborant, illos mutato victus genere, potum Café ingerentes, facile audias querelas asserere, de languore stomachi & alteratione corporis, non secus ac si aqua semine Anisi, fœniculi, Cinamomo & similibus correctâ iisdem commendatur. Hinc admirationem non omnem superat, quod inter Biliosos, Phlegmaticos, Melancholicos reperiantur, quibus conveniat Potus Café. ut annotavit Dn. de Blegny. c. 2.

§. 52. Qui se ab usu potus Café nec incallescere nec refrigerari jactant, videntur minora alterationum discrimina negligere. Quod autem assertionem Petri della Valle concernit,

cernit, ipse Non Medicus, forsan ad discrimina potionum non satis attentus, ex aliorum relatione illud habuit. fidem relationi negat Dn. *du Four*. c. 8.

§. 53. Qui cultro Chymico anatomiam Café adornarunt, vegetabile hoc in diversissimas substantias, quarum antea vix vestigia observabantur, separaverunt. Quâ methodo quâve ratione sensibilia prima impetrentur, Dn. *Du Four* fusè fatagit enarrare. c. 8. Tr. de Café. Summa hæc est. Se cum Artis peritis, semel & iterum, granorum Café selectorum libram unam per Retortam vitream lutatam destillasse, ut est Artis; Phlegma, Spiritum & Oleum æquasse pondus libræ dimidiæ, Caput mortuum autem quartam partem; unde colligit, alteram quartam partem spirituosam & summe volatilem, quamvis juncturæ optime lutatæ fuissent, evolasse & avolasse, tanto magis, quia Laboratorium totum odore Café perfusum fuit: Oleum nigrum à phlegmate & spiritu sequestratum æquasse pondus ʒij. 3v. quod rectificatum sub nigro: Capite mortuo igne vehementissimo calcinato, eliciatione salis fixi, instar salis Tartari acris, 3j impetratam fuisse. Salem volatilem & phlegma non satis commode dissociari potuisse: Sal autem volatile copiosum in liquore, ex sapore peracuto ipsius cognosci, & liquorem sale volatili copioso ita imprægnatum Spiritum vocari. Hæc esse, in quæ Analysis Spagyrica resolvat grana Café. Unde concludit, magnam partem granorum Café constituere, quod totum quantum volatile, unde dependere effectus, qui illis passim tribuantur, possimus conjicere.

§. 54. Nos nulli quidem dubitamus, quæ notata modo sunt, ita prodiisse, quia etiam alia v.g. Ligna, Cortices, Legumina, Tartarus, Cornua, hæc exhibent, si eâdem ratione in igne tractentur, & tanto magis, quia ex Viri Nobilissimi & Amplissimi DN. JOHANNIS BOECLERI, Medicinæ Doctoris & Professoris Publici celeberrimi, Practici felicissimi, Chymici curiosi, Fautoris & Collegæ mei honoratissimi concessione, & sub illius directione, in Laboratorio Ipsius, quod Studiosis Medicinæ, in Chymicis proficere cupientibus,

subinde patet, Nobilissimus etiam Dn. RESPONDENS, eandem eâdem ratione analysin instituens, ex lb. j. granorum Café, spiritus cum Phlegmate ℥iiij. Olei ℥j. destillavit, capite mortuo æquante pondus ℥iiij. ℥ij. Et ex Café tosti & Calcis Vivæ ana ℥vij. impetravit spiritus & phlegmatis ℥iiss. Olei ℥ss.

§. 55. Quæ autem dictâ ratione ex substantia Café resoluta oculis subijciuntur, non ita accipimus, quasi juncta illa grana Café ita constituissent, & ignis hæc eadem solum dissociasset, quo inclinare nonnulli videntur; cum sagaciores Chymici agnoscant, pleraq; esse nova ex apta materia producta ignis, Artis dexteritate & instrumentorum aptitudine modificati, qui non segregandi, dissociandi, separandi solum, sed & alterandi, deniq; urendi vim habet. Nec ita accipimus eadem, quasi non aliâ ratione in alia corpora resolvi possent. Si in aqua simplici, ne quidem calida, infundas grana Café integra, paucorum dierum spatio obtinebis Tincturam intense viridem, in cujus superficie viridis innatat unctuositas, quam Oleum forsan non incongrue dixeris, ab eo quod destillatio per Retortam exhibet, valde diversum. Tincturæ illius facit etiam mentionem. *Leuenhœck* in Epist. ad Societ. Anglic. An. 1687. Idem ibidem ex fabis Coffi igni admotis magnam copiam Oleosi ac aquosi humoris hoc modo ex illis provenire, scribit se observasse, modum non addens. Si *Helmontio* fidem habes, operatio Alkahest, ut alia corpora, ita & hoc in alias & numero & naturâ distinctas substantias dividet, quam Ignis. Si post longam digestionem, per alia vasa, igne moderatiori, resolvas Café, alios atque alios impetrabis liquores, relicto capite mortuo diversissimo. Si diu coctum in substantia assumeretur in corpus nostrum, vel nucleum fructus integrum saccharo incrustatum inter bellaria comedunt *Ægyptij*, ut supra notavimus, vel quacunque tandem ratione in escam veniat, in substantias notatis prorsus dissimiles resolvi, agnoscet in œconomia animali quicumque non est hospes: Nec denique quod in operatione amissum est, supponimus ejusdem prorsus naturæ, cum eo quod vel volatile vel spirituosum monstratur. Suspiciantur enim in Ar.

tis operibus versati, præter illa quæ sensibus subijciuntur, minimis proximas particulas, quæ ob suam parvitatē invisibiles sunt, per vasorum destillatoriorum juncturas, quamvis singulari studio aptatas & clausas, nullo sensu observatas posse elabi, hasque etiam ex crassiori parte vehementiâ ignis in minima dissipari, & per lutum, utut solícite obductum, agi foras, ut nares feriat empyreuma. Non possunt illi à se impetrare, ut credant, quod operatione amissum est, esse merum sal volatile vel spiritum, cum ea illorum esset quantitas, quæ in tam crasso solidoque corpore supponi nequeat.

§. 56. Hisce cautionibus præmissis, arbitramur, ex analysi Chymica quæ enarrata fuit, aliisque notatis modis elucescere, fructum Café esse volatilitatis & spirituositatis participem, & probabile esse, virtutum, quæ ipsi tribuuntur, Medicarum magnam partem inde dependere; quoniam quæ sale volatili & spiritu præ aliis abundant, maxime activa observantur. Determinationem tamen virtutis specificam, à principio insito seminali petendam esse, asserere non dubitamus, certi, quæ per analysin spagyricam impetrantur, sæpe concretorum suorum naturam retinere, ut loquuntur sagaciores Chymici. Dn. *de Blegny* quidem ex primis principiis seu Elementis satagit rem illustrare, supponens, Elementa corporum mixtorum esse, corpuscula acida, liquida, ignea, ætherea, terrestria, ex quorum, quod variâ figurâ originali sint prædita, associatione & collocatione varia corpora naturalia, variâ inde energiâ prædita consurgant; & in specie postulans sibi credi, Acidus particulas solas punctiunculis afficere linguam, amarore penetrante linguam, concludit, amara quæ sunt, in iis prædominari acidus particulas; cum autem grana Café cruda non sint amara, & ustulata non nisi mediocriter amara, hinc infert, ex modica quantitate acidarum, & ut indicat solida substantia, copia terrestrium particularum constare; hoc autem non obstare, quo minus habeat etiam multas particulas subtiles, fermentativas & facile separabiles, & quæ sunt

sunt similia. Verum, cum speculatio ista, quæ ob lubricum fundamentum diu Eruditis displicuit, non ita pridem autem quibusdam denuò placere cœpit, obscura per magis obscura & incerta explicet, missâ illâ, solum notamus, quando ille amarorẽ ex acido deducit, nos, memores illorum, quæ Hippocr. l. de veteri Medicina inculcavit, agnoscere, non amarorem ex acido, sed amarorem acido contradistinctum. Quando autem idem docet, siccitatem Pharmaci insinuare, illud fere nihil corpusculorum liquidorum, per quæ (nisi omnia me fallant) aquositatem notat, habere, hoc nec cum Dn. Du Four, nec cum nostra analysi supra notata conciliare possumus, quæ phlegmatis non contemnendam quantitatem exhibet. vide supra. §. 53. 54. Nervose autem concludit, quoniam potus ille sitim extinguit, & ebrietatem fugat, illum corpusculis igneis, quæ alij sulphur appellant, non abundare; abundare autem terrestribus à quibus pingues æthereæ facile secedant; illis sc. fundum petentibus; nisi quod levior quædam terrestritas cum unctuositate & pinguibus particulis maneat: sequestrationis facilis indicia sumit etiam ex Tinctura illa viridi cujus mentio facta. §. 55.

§. 57. His cognitis de Natura & qualitatibus Café, non immerito quæritur, An bene sibi consulant Europæi, dum assuescunt potui Café? Assuescunt illi, quicunque quacunq; tandem de causa, eum primùm admittunt, paulo post amant, denique quotidianum vel quasi quotidianum habent. Ita adsuescere Europæos potui Café, imo magnam partem assuevisse jam, quasi uno ore asserunt, qui Gallias, Italiam, Angliam, Belgium aliasque provincias perlustrarunt. Hoc vero illorum institutum sana ratio vix probaverit. Nam cum iis in locis, ubi Lex Mahometis usum Vini non permittit, Potus Café ejus sit succedaneum, substitutum, *ἀντὶβαρὶκόμυρον*, industriâ & arte inventum & usu receptum, ad promovendam ventriculi coctionem, aliaque sanitatis commoda, quæ vinum alias præstat, quibus est copia Vini, & quibus Religio usum illius concedit, sicut plerisque Europæis, quî quæso solliciti fuerint de Potu, quem in defectu illius substituunt alii?

aut quo consilio jungant hunc vino? aut denique præferant hunc potui qui gloria prima potulentorum? Suavitatem vix allegabis, quæ alia non est, quam qualis §. 37. designata. Ob singularem, dixeris, salubritatem Orientalibus perspectam, Europæis revelatam? Respondeo, ne quidem opinione Orientalium, qui Potu Café assueti sunt, præferri vino. Innotuit illa satis abunde, sub Imperatore Selymo, cum ipsis usum vini concederet, ut annotavit *Leonhardus Rauvvolffius*. c. 8. ex cuius Relatione liquet, quod libenter hoc potu carerent, si vinum ipsis concederetur. *Petrus della Valle* Epistolâ III. Constantinopoli scriptâ refert, Quia Vinum Turcis non concessum, de suavitate & salubritate aquarum sollicitos esse: multos tamen clam Vinum bibere. Allegat Dn. *Du Four* multitudinem abstemiorum, qui non tantum nullam gratiam in vino inveniunt, sed abhorrent ab illo, nec illud ferre possunt, quibus utique potus Café ad promovendam ventriculi coctionem fuerit utilis. Sed respondeo, quorundam *ἰδιόσυνη* in præjudicium vini allegari non posse, & quoniam illa in iisdem hoc non admittit, vel in hoc potu, vel alia ratione quærit id, quod vinum præstaret. Idem Dn. *Du Four*, dum commendare summopere potum Café allaborat, allegat etiam variis morbis laborantes v. g. febribus, cephalalgia, aliis; quibus vinum noxium, Potus Café proficiuus. Respondeo, In quibus morbis vinum, quod alias vires insigniter roborat & conservat, noxium est, inter alia succedanea Medici potum Café admittunt: imo non admittunt tantum, sed & propter virtutes quasdam Medicas, quas vinum non habet, in quibusdam morbis insigniter commendant, ut deinceps videbimus. Hinc vero minime sequitur Europæos bene consulere rebus suis, si dictâ ratione potui Café assuescant, ut mos fiat, & deinde bibant, quod mos sit bibere; ut nihil dicam de tota victus ratione Orientalium à nostra valde diversa. Unde, quando ob alias etiam causas, quæ tactæ fuerunt Disp. de Potu Thee §. 20. variis ingeniis hunc potum videmus quotidie placere, & hic opinionum varietas toleranda.

§. 58. Utut autem persuasum plane nobis sit, Europæos, institutum suum, dum vinum promovendæ coctionis ventriculi causa bibunt, permutandi cum Potu Café, causam satis prægnantem nullam habere, attamen non negaverim, esse loca ubi Café vino utilius sit. v. g. in regionibus calidissimis, ubi generosissimorum vinorum spiritus, in corporibus æstuosis nimis mobiles & inflammabiles sunt, & propter subitam spiritus separationem, reliqua substantia acetositate aut tartaro nocet, febres propterea, cephalalgias, hæmorrhagias, pleuritides, peripneumonias faciunt; quæ forsan non potestrema ex causis, quare Orientalibus lege Mahometis vino interdictum, quamvis apud Turcas legis sanctitas sola allegetur. Manet E. sua Laus vino, sua Potui Café. Sed sicut vini potûs medicamentosi, cui Europæi assueti, virtutes in morbis satis perspectæ; ita Potus medicamentosi cui Orientales assueti, quia Europæi per comærcia ejus compotes sunt, effectus in corporibus, paulo diligentius in usus nostros expendemus.

§. 59. Antequam tamen de illis agamus specialius, videtur operæ pretium, cum, quæ ad modum aliâs & morem bibendi pertinent, supra fuerint exposita, denique disquirere, quoniam Orientales & Europæi in diversas abeunt sententias, An consultum magis potum Café sorbillare jejuno ventriculo, an post pastum? Supra jam annotatum fuit, Orientales damnare usum hujus potus jejuno ventriculo §. 45. & Dn. *Du Four* c. 3. commemorat illos persuasum habere, liquorem hunc jejuno ventriculo sumptum in bilem converti, ac quicquid in stomacho offendit, in bilem mutare, ventriculum arrodere, lancinare, & extreme debilitare, membris omnibus notabilem languorem inducere, prostertere appetentiam, animum inquietum reddere, mœstitiâ afficere, impatientes reddere, totius denique vires deijcere. Ipse autem in memoriam sibi revocans, Orientales non adeo magnam rerum Medicarum hodie peritiam habere, sustinet dubitare, An consultum sit, in hisce fidem habere illis, eosque imitari, dum nunquam jejuno ventriculo hunc potum admittunt; quod facto periculo, experientia docuerit, in nostris Regionibus pro-

proficuum etiam fuisse potum Café iis, qui jejuno illum stomacho sumserunt, quamvis agnoscendum sit, pluribus prodesse post pastum. Noti certe mihi, & Medicis eximiis, quorum amicitia fruor, non pauci, qui jejuno stomacho liquorem Café cum paucis saccharo sumunt & à longo tempore sumserunt, & bene sese habent. Ex hujusmodi & suis observationibus, confidenter satis, contra morem Orientalium, seu ut ipse loquitur, *Quicquid dicant Orientales*, dum summi opere commendat potum Café, contendit, quotidie, mane, jejuno stomacho, unum aut alterum pocillum sorbillandum, insequente abstinentiâ per duas horas: Ingenue tamen fateatur nullam universalem regulam constitui posse, ob subjectorum & temperamentorum diversitatem, cujus rationem habere, Medicorum sit.

§. 60. Nos arbitramur, in eo Dn. *Du Four* bene consulere Europæis, quod eos à nimia ingestione s. excessiva revocet, dum persuasum quandoque habent, potum illum, quacunque tandem copia hauriatur, nocere non posse: quia sc. πᾶν τὸ πολὺ πολέμιον τῇ φύσει, ut loquitur *Hippocrates*. Scribit ille equidem, quocunque excessu hujus potus peccetur, non oriri hinc Cephalalgiam nec temulentiam, nec nephriticum malum, nec arthriticum; sed tamen alia incommoda ex immodico usu succrescere, ex sequentibus patebit. 2. Sufficere plerisque omnibus unum, vel unum & alterum poculum, forsitan in rigore accipiendum non esse. Nullus dubito, esse qui tria pocula eadem ἐνφορίᾳ exhauriant, ac alij duo. Poculorum etiam non eadem est magnitudo. 3. Tamen si Mahometani nimio opere sibi videantur metuere à Potu Café jejuno stomacho; quia ista symptomatum multitudo notata, forsitan paucis visa ab hac causa; attamen verisimile esse, Experientiam ipsis hunc metum incussisse; Ipsos sc. observasse, mane, jejuno stomacho sumpto potu Café, & continuato hoc illius usu, quosdam fuisse emaciatos & male se habuisse; nimirum qui ad siccitatem pronerant, & ad marcorem proclives. Nam & in nostra regione observatum, si tales jejuno stomacho illum assumant, continuato hujusmodi usu emaciari,

ciari, saltem magis quam si à pastu eundem forbillent. Sirationem petis, revoca Tibi in memoriam, in quæ Grana Café resolvi, ostendimus. Eorum memor. D. J. J. *Waldschmidt*, ait *In Hectica præfertur Potus Theé potui Café; in hoc enim Sal est magis acre & adustum.* Med. Rat. cas. 74. Revoca etiam Tibi in memoriam, Potum Café ut succedaneum Vini fuisse inventum: Sicut vinum jejuno stomacho haustum summopere siccat & extenuat designatos potatores, ita & potus Café. Sed confirmatur hoc ipsum annotatione Dn. *Du Four* c. 13. quod sc. Uno ore Peregrinatores asserant, ubi in Turcia Mahometani vino abstinentes, Café autem non nisi à pastu aut saltem post assumptum aliquod edulium, forbillantes, & Græci nullam Café rationem habentes, Vini autem generosioris imo Spiritus Vini Potatores strenui, easdem incolunt urbes, eosdem pagos, illos quidem esse pingues, carnosos, bene sanos, robustos, non tamen ventricosos: hos vero macilentos, subflavo faciei colore, biliosos, animo ad excandescentiam prono. Sed ea de re inferius plura.

§. 61. — Quando denique ad usum in morbis Medicum pedem promovemus, quem jam supra cœpimus agnoscere, quia quæ contrā abusum asseruntur, ad illum non spectant; notamus I. in genere, esse, qui elogio prædivite Café Medicamentis polychrestis annumerant, & tantum non Medicinam Universalem constituunt. Recentiores autores qui de viribus Potus hujus etiam agunt, post *Prosperum Alpinum* & *Johannem Veslingium*, consentiunt, præter virtutes quæ passim celebrantur, innumeros optatos in corpore & morbis produrre effectus. Dn. *Thevenot*. l. c. scribit, secundum receptam Turcarum opinionem, remedium esse Café ad omnis generis morbos, & ad minimum tot Virtutibus Medicis præditum esse, ac Potui Theé tribuuntur. *Petrus della Valle* l. c. asserit, Ex mente Turcarum singulariter ad sanitatem conferre, & habere omnes virtutes, quæ in herba Theé laudantur, & plures insuper alias. Confer Dn. *Du Four* c. 8. & Dn. *de Blegny* c. 2. fin. II. Magnam partem laudis tribui Café, quæ est aquæ calidæ, cujus elogianos in Dissertationibus de Potu calido recensuimus,

mus; seu Café tribui quod vehiculi est. Si impetrare possemus, ut Decoctum Betonicæ vel Veronicæ, vel Rosmarini, vel Salviæ, conciliatâ suavitate, nostrates calide haurirent eadem methodo, ego quidem nullus dubito, quin laudes istorum vegetabilium insignes accessiones essent habituræ. III. Quoniam exotica ejusmodi præ domesticis placent; & quia placent, cæteris paribus, aliis præferuntur; & Medicis sæpe eundem, quâ itur; & secundum Hippocratem etiam, Aph. 17. Sect. I. dandum aliquid consuetudini; ideo operæ pretium esse, quibus præcipue in morbis & Ratio & Experientia usum nostri potus probet, disquirere.

§. 62. Merito autem, primo loco, notamus ejus usum in *Intemperie* totius corporis, & viscerum præcipue illius utilem. In specie in *frigida & humida*. sc. ubi multum phlegmatis colligitur, & vinum vel non suppetit, vel lege prohibitum, vel aliud quid usum illius excludit, salutaris hic potus non potest non æstimari, si illius qualitates & analysin memoriâ recolamus; actuale enim & potentiale calorem ad corrigendam illam intemperiem conspirare, Regula contrarietatis nobis insinuat. Hinc observatio Dn. *Bernier* Epist. ad Dn. *Du Four*, quod Turcæ, qui plerique temperamenti frigidi & phlegmatici, quibus religio vinum non concedit, quique leguminibus, lacticiiniis, fructibus potius, quam carnibus vescuntur, pane non fermentato utuntur, à potu Café quotidiano bene sese habeant. Recte E. scripsit. Dn. *Henricus Mundius*, Medicus Anglicus, *Coffa moderate sumpta, eis qui sunt frigide constitutionis & plenioris corporis habitus, sæpè prodest.* Dn. *de Blegny* monet, ubi, ad digestionem & expulsionem impuritatum contumacium, natura opus habet aucto & quasi febrili calore, abstinendum esse à potu Café, quod fermenta extinguat, à quibus ejusmodi calor suscitatur. Verum, qui modicus hujus potus usus fermenta extinguat, aut calorem minuat, nos equidem non videmus, certi, frigore hoc non fieri: Immodicum vero, qui inundationem faciat, semper damnamus.

§. 63. In *Intemperie Corporis calida & sicca*. id est, in Febribus, commoda quædam præstare, didicerunt & docent etiam Europæi. *Dn. Monin* Epist. II. ad *Dn. Du Four*, exhibet Sorbitionem Café (interdum cum Aqua Pimpinellæ paratam) in declinatione paroxysmorum febrium intermittantium, aut etiam in febribus continuis circa finem exacerbationis, ut vapores durante exacerbatione in cerebrum elevati, à quibus caput dolet, dissipentur & eliminetur virtute diuretici & cum Urina, quicquid salsedinis & acrimoniæ à deflagratione in sero sanguinis relinquitur. Usus hic Café quamvis multiplici experientia apud Nostrates probatus non sit, à ratione tamen alienus non videtur: & quia suffragantem author allegat Experientiam, experimentum facere non erit religio. Nam cum *Dissert. d. Pot. cal. quæst. XI. & XII.* probatum nobis sit, non nullum Potus calidi in febribus esse usum, virtute Café imprægnatum poculum facile admiserimus, cum non occurrat quod obstat.

§. 64. Porro autem idem annotat, urgente in paroxysmo siti, pocillum Café sitim melius extinguere, quam aliquot pocula Ptisanæ frigidæ & exemplo rem illustrat. Verum enim vero, quamvis in uno vel altero subiecto ita evenire posse aut evenisse non negemus, attamen paucos reperi as febricitantes, qui æstuentes à potu frigidæ sibi temperare valeant, paucosq; Medicos, qui hunc illis negare sustineant; Hinc hi quidem certi, in febrium paroxysmis symptoma, sitim sc. horidam & ipsum morbum Intemperiem igneam, magis urgere, quam quidem causa, satagunt afflictis sine mora solatium ferre, tormentum sitis & extremam calamitatem avertere, concedendo frigidam. Artis enim procerum mens est, satius esse, concessâ frigidâ febrem etiam producere, quam permittere, ut æger magnitudine febris & sitis superetur. Denique idem *Dn. Monin* commemorat, se in Febre quartana intermittente, ingruente horrore & frigore, non sine successu potum Café exhibuisse languentibus, historiâ Illustris Feminae reconvalescentis usum hunc declarans. Non tamen arbitramur, in principio accessionis Febris quartanæ
posse

posse commendari omnibus, quamvis illis concedatur, quos
 sitis vehemens excruciat, ut tantum non exanimentur; sic
 ut etiam Dn. *Sennertus* asserit, in Intermittentibus sæpe satius
 esse, calidum potius quam frigidum bibere, cum citius sudent
 & minus lædantur, si calidum potius quam frigidum bibe-
 rint: Et nostratibus non infrequens, ne potu frigido motus
 Naturæ bene, quantum potest, operantis, subvertatur, nota-
 tis ægrotantibus jusculum limpidum calide exhibere.

§. 65. Ad Caput si respicimus, ad *Cephalalgiam* sumopere
 commendari Café, legimus non semel in supra allegatis, & cer-
 tiores reddemur, quando authorum verba de vi antihypno-
 tica adscribemus. Dominus *Veslingius* Observ. Epist. ad Patr.
Athanasium Kircherum scribit. *Cessit idem*, sc. decoctum,
in emolumentum quoque capitis, cum non raro per δΑλεγοπίαθαι
affici soleat. Dn. *Du Four*. c. 12. scribit, Frequenti Experien-
 tiâ constare, Potum hunc dolores capitis solvere, quod
 vapores & humores ad caput repentes diffundat & dissipet,
 novosque oriri impediat: imo esse, qui solo calentis potus
 vapore in caput recepto, dolores mitigari observarunt, quod
 parti ejus volatili procul dubio debeat. Addit, seipsum
 crudeli hemicrania per plures annos discruciatum, omnibus
 quæ Ars Medica alias subministrat, frustra tentatis, ad potum
 Café, tanquam ad sacram anchoram confugisse & pristinam
 quietem hinc impetrasse: hancque fuisse causam & occasio-
 nem quod elogia Café scripserit: quamplurimos alios à Ce-
 phalalgia liberatos usu ejusdem, ubi sc. per consensum sto-
 machi aut intestinorum illa orta: Exempla à Cephalalgia li-
 beratorum potu Café, volumen constituere, si enarrarentur, si-
 cut duo memorabilia commemorat. l. c. si vero à nimis ex-
 quisito sensu Membranarum cerebri, aut inflammatione ea-
 rundem, aut ab impetu sanguinis, causa maligna & forsan a-
 liis oriatur dolor, hunc effectum ab illo sperari non posse.
 Exemplum inveteratæ Cephaleæ in Viro maxime Reverendo
 per potum Café extirpatæ legitur *Ephemer. N. C. Germ.*
Dec. II. An. 3. Obs. 198. ad quod Scholion ita habet, *Cum*
æpissime viderim laudatissimum Virum, durante paroxysmo, vel post
eum

eum, evomuisse materiam salsissimam, instar murie acerrimam, & fuisse quasi somnolentum adq^{ue} actiones torpidiorem, eo tempore quo doleret, facile est intellectu, quo pacto sulphureæ & volatiles Cossi partes, salsuginem istam membranas rodentem attemperarint, & spiritus animales agiliores & subtiliores reddiderint. Et paulo post. Magis proinde Practici nostrates sibi commendatum habebunt in contumacissimis Capitis doloribus Cossi usum. Dominus Willis ita, Pro constitutione frigida & phlegmatica præditis, Cephalalgia sc. laborantibus egenis, & sæpe cum fructu ditioribus præscribere soleo decoctum foliorum siccatorum modo Salviæ, modo Betonicæ, Verbenæ aut Rosmarini in aqua fontana factum & dein tincturâ pulveris baccarum Cossæ impregnatum, bis in die ad ℥vj. ℥viij. calide sumendum. de Anim. Brut. Part. II. c. 2. Inter ea, quæ instar omnium sunt in Cephalalgia, potum Café numerat Dn. Job. Jac. Waldschmidt Prax. Med. Rational. c. 1. Ex his, & intellecta pharmaci natura, manifestum est; quod & in quibus Cephalalgia specieb^{us} & quibus de causis, Potus Café in usum trahi queat.

§. 66. Porro, quoniam Café partim impedire, ne Vapores adscendant in cerebrum, partim purificare qui in cerebrum recepti sunt, traditum est, in Vertigine, ubi vapores motum spirituum vitiantes accusantur, commendari posse, intelligimus, & commendasse vertiginoso legimus Dn. D. de Muraldo, Ephem. Germ. Dec. II. An. 8. Obs. 5. In Apoplexia commendat Dn. D. Job. Jac. Waldschmidt in Notis ad Praxin Barbetianam. c. 2. In auditus difficultate, idem. Medic. Rational. cas. 12. Et quicumque vaporibus ad caput adscendentibus deprimendis accommodatum hunc potum agnoscunt, materiam defluxionum ita non admitti ad caput, & partes subjectas ab illis præservari, intelligunt. Istius in defluxionibus usus præ cæteris, facit mentionem Petrus della Valle. l. c. adde quæ infra de Catarrhis adjiciemus.

§. 67. Populi Orientales referente Dn. du Four, c. 12 existimant, non solum ad capitis affectus mitigandos usu interno prodesse, sed persuasum habent Experimentiâ suffragante, quod ex potu Café calido in oculos admissus vapor, illi male affectis opem ferat. Hinc morem obtinuisse, ut magni

ars potatorum, quando forbitio Café fervens in poculis illis offertur, antequam forbillent, illa oculis admoveant, ut his vaporem excipiant, illo visum acui credentes. Quidam etiam, eodem annotante, affectu aliquo aurium laborantes, eodem modo liquorem ferventem auribus admovent, & vaporem s. halitum in aures admittunt, ac solatium inde sibi pollicentur.

§. 68. Inter præcipuas autem laudes Potus Café celebratur, quod *arceat somnum, & narcosin pellat*; imo inter primas; quia, quamprimum, ut §. 23. relatum, prima suspicio Monachis ibi nominatis à custode Camelorum vel Caprarum suggesta fuit, periculo facto, illi statim deprehenderunt, decocto illius somnum averti. Recentiores Peregrinatores, qui primis illis diligentius videntur excussisse naturam fructûs hujus, istam enarrant tantum non omnes. *Petrus della Valle*. l. 2. ex fide Turcarum, scribit, soporem post cœnam fugare, & ideo qui studiorum causâ vigilare cupiunt, sese hâc potione præmunire. *Dn. de Thevenot*, in hunc sensum scribit, *Potio illa impedit ne vapores adscendant à ventriculo ad caput, & per consequens tollit capitis dolorem, & avertit somnum. Quando Mercatoribus nostris exaranda plures literæ, ipsisque animus est, totam noctem laborem continuare, unum & alterum pocillum Café sumunt. Edouard Terry* recreare & excitare animum & spiritus, tradit. *Duloir* asserit, impedire ne vapores adscendant in cerebrum. *Dn. de Bourges* scribit, purificare vapores cerebri. *Dn. Bernier* in Epist. ad *Dn. du Four* refert, Expergefacerè, exhilarare multumque corroborare, vapores retundere, capitisque torporem & somnolentiam avertere. *Dn. du Four* allegat cujusdam *Dn. Daples* literas, qui scribit, Majorem partem eorum, qui de Café aliquid literarum monumentis consignarunt, in eo convenire, illud habere vim arcendi somnum & excitandi à somno. *Dn. Willis* Anglus, cui nil quidquam ad plenam Experientiam defuit, hunc potum Café constituit Medicamentum antihypnoticum, quod somnum intempestivum arcet & narcosin pellit, & nos reddit vigiles, asserens, *postquam à nuperis annis hic potus*

in Anglia in morem abijt, virtutem ejus pro somno abigendo, fere nullum esse, qui non, experimento facto, satis efficacem persentiat; unde naturâ pharmaci probe excussâ, quam plurimis consilium Medicum petentibus, illud comendavit. Quoad cerebri, inquit idem & nervosi generis affectus, existimo me, ad eos interdum curandos, hunc potum adeo frequenter præscribere, ut non alius quispiam magis: quippe ad Tabernas, ubi venditur iste, Ægrotantes quosdam potius, quam ad pharmacopolia ablegare soleo. Pharmac. Ration. Sect. VII. c. 3 & Profecto in morbis & agitudinibus plerisq; Cephalicis, viz., Cephalalgia, vertigine, lethargo, catharro & similibus, ubi cum pleno corporis habitu & temperamento frigido, aut minus calido, atq; sanguine aquoso, adsint cerebrum humidius ac spirituum animalium segnities & torpor, potus Coffee magno sæpe cum fructu sumitur; nam assidue haustus utramq; animæ partem mire clarificat & illustrat, atq; functionum quarundam nebulas omnes dispellit. Ita de quæstione An? nullum dubium.

§. 69. Causam autem hujus virtutis antihypnoticæ & modum ejus agendi, plene & plane forsan nemo adhuc exhaustit. Dn. de la Closure, celebris Medicus apud Dn. du Four c. 12. partem subtilem & spirituosam, de qua ex superioribus certi sumus, ait, participem esse nitri & sulphuris, eamque magnam habere analogiam cum spiritibus animalibus cerebri; hinc hausto potu Café à cœna, celerem fieri spirituum restaurationem; Verum satis certus, cuivis fas esse suppositorum petere probationem, non suffragante analysi supra commemoratâ, facto saltu, ex configuratione minimarum Café particularum elementarium, causam eruere satagit. Minimas sc. partis spirituosæ particulas, asserit ejusdem quasi esse crassitie ac figuræ, ac sunt illæ spiritus vitalis, ac eundem habere motum: esse præterea magis uniformes & minus dissipabiles, unde caput & actiones cerebri firmentur. Vinum equidem etiam habere ejusmodi particulas, non tamen ita puras, nec quæ ita bene respondeant illis, ex quibus spiritus animalis constituitur. Verum, quis quæso me reddat certio rem de determinata particularum minimarum spirituosæ Café substantiæ, & de spiritus animalis particularum, cras-

crassitie, figura, proportione, motu proprio &c. Illa mente
 fingi, in doctrina supponi, ultro etiam recipi, nemini tamen
 obtrudi possunt, qui veritatis est avidus. Propterea
 ibidem denuo aliter ratiocinatur, de causa miri effe-
 ctus sollicitus. *Vigiliae*, ait, *multum Spirituum consumunt*; Potus
 autem *Café* reparat illos: præterea credere possumus probabiliter, Ca-
 lorem actualem Potus *Café*, ut sorbillatur, & amarorem illius multum
 contribuere ad dissipandos fumos seu vapores crassiores chyli; & vim
 illius diureticam, in & cum urina, vacuare partem istius humiditatis,
 quæ ad somnum necessaria est. Sed quæso, nonne multa sunt
 pharmaca, quæ spirituosa sunt, ventriculo etiam grata, diu-
 retica denique, quæ tamen somnum arcendi nullam vim ha-
 bent? Sed ecce iterum novum modum? Interea, inquit *Dr.*
Willis, de *Anima Brutor. Part. II. c. 5.* libet hic obiter annotare,
 propter similem afficiendi rationem (qua nempe sanguinis atrabilarij ac
 etorridi particula adusta, una cum succo nerveo in cerebrum suffusa,
 nervigilium cient) etiam potum quendam *Coffé* dictum, cum à nostratibus
 ut medice aut otiose bibitur, somnolentiâ protinus abactâ, vigiliam in-
 solitam, ac facultatis animalis exercitium tam indefessum producere, ut
 a liquore isto debita quantitate epoto, qui sera nocte, aut statim à
 computatione aut pastu uberiori, studiis incumbere necesse habent, us-
 que pervigiles facti, ardua quævis animi pensa sine torpore perfici-
 unt: Cujusmodi certe affectus causa est, quod potus iste particulas
 adustas (quibus, sensu, tum gustus, tum olfactus indice, scatet)
 innox sanguini, ac dein succo nerveo insinuat: quæ proinde agilitate
 & inquietudine sua & cerebri poros usque apertos detinent, atq; spi-
 ritibus copula quavis alia & narcosi exutis, œstra quædam ac stimu-
 los, à quibus ad munia sua diutius exequenda excitantur, addunt.
 Eadem hæc repetit *Pharmaceut. Rational. l. c.* Illustrationis
 gratia hæc addens. Ad somnum ineundum hæc duo necessario re-
 quiruntur, quorum modo unum, modo alterum in efficiendo prius ac
 potius existit. Nimirum oportet Cerebri exterioris sive corticis ejus
 poros & meatus omnes à liquore ibidem, à sanguine velut extillato
 ac inundante inferciri plurimum ac impleri, proindeq; occludi; dein
 præterea ad effectum istum acciendum, opus est, ut spiritus animalis
 poris & meatibus illis exclusi, ac insuper particulis nutritiis & se-
 rosis

rosis saepe onusti, versus cerebri meditullium se recipiant otio indulturi. Circa hæc pensa ad somnum requisita, non semper unus idemq₃ ordo est. Quandoq₃ enim Spiritus animales primo & sponte sua isthæc spacia derelinquunt, succo nerveo in eadem inanita mox irruente; interdum vero humor nerveus cum sero uberius suffusus, meatus istos primo invadit, spiritus exinde licet invitos propellens ac intus cogens. At vero Operatio Coffeæ utrisq₃ his effectibus contraria videtur. Nam statim à potu ejus particulae adustæ summe agiles, ac impigre in sanguinem delatæ, liquorem ejus nonnihil fundunt, seroso latice versus venas & habitum corporis detruso; porro, illæ cerebrum adpellentes, poros ejus facillime aperiunt, quos & mobilitate sua valde apertos detinent: dein spiritibus illæ accrescentes, eos particulis quibusque aliis gravativis, tum nutritiis denudant, adeoq₃ leves & pernices ubiq₃ in motus cient, atq₃ per totum Cerebri ambitum, oppletionem gravi & obstructione liberum, expandi faciunt. Ingeniosa hæc cogitata Dn. Willis libenter accipimus & partem mirabilis effectus dicto modo contingere, credimus, plene tamen & plane illum explicare, adhuc dubitamus: nam si hunc effectum præstaret, quatenus particularum adustarum particeps est potus, quales in sanguine atrabilario & retorrido supponuntur, liquores correcti pane non sine adustione tosto, & similes, saltem rudimentum aliquod ejusmodi operationis ostenderent. In re ipsa E. acquiescentes, aliquali causæ illustratione sumus contenti. Hincq₃ nulli dubitamus in somnolentia nimia, præmissis præmittendis, horâ octavâ matutinâ & quintâ pomeridianâ haustum Café, cujus liquor sit decoctum foliorum Salviæ aut Rosmarini viridiusculum, cum Dn. Willis commendare. v. Tr. d. Anim. Brut. Part. II. c. 4. Exemplis rem confirmatam vide ibid. Obiter notamus, sacris intentos, & ad prædicationem Verbi Divini attentos, forsan non peccare, si hausto uno vel altero, antequam templum ingrediantur, pocillo, à somnolentia se præstent imunes.

§. 70. Occasione facultatis antihypnoticæ Dn. du Four perstringit Petrum della Valle, quod scripserit, si ex vino & Café adornaretur, sicut ex aqua & Café potus, videri, esse posse Nepenthes Homeri, quod Helena ex Ægypto obtinuit; unde etiam illud ad nos pervenit; Ex duplici autem ratione fata-

fatagit probare, evidenter illum falli. 1. quod Café cum vino sumptum ad palatum minime esset (feroit un tres-mechant ragout) 2. quod Homerus supposuerit, Nepenthes fuisse herbam Narcoticam, cum Café somnum arceat, & arceret adhuc magis, si spicula vini accederent. Verumenimvero, rance illius, quamvis 1. certum sit, quod ex pulvere torrefacti & ustulati Café & vino, gratus & suavis potus non conficiatur; certum etiam sit, factâ infusione in vino, ut periculum fecimus, nec tincturam nec unctuositatem extrahi; (quod tamen sit, si in aqua simplici infundatur) certum etiam sit, infusione illa gratiam vini minui; attamen non repugnat, aliâ ratione quam torrefactione & ustulatione, ut vulgo fit, spiritibus granorum exaltatis & sale volatili à vinculis magis liberato, illa ita reformari posse, ut in vinum deponant vim suam sine nausea. 2. Homerum supposuisse, Nepenthes fuisse herbam Narcoticam, cum antiquitatis monumentis male cohæret. Malo autem hoc declarare verbis Viri Medici in Antiquitate versatissimi, Dn. *Johannis Antonidæ van der Linden*. Doctoris & Professoris in Academia Lugduno Batava celeberrimi, Select. Medic. X. §. 144. *Ejusmodi potio, inquit, quæ facit oblivisci malorum, νηπενθης dicta fuit à Poëta, Odyss, Δ. 220. Plinius XXV. 2. Nobile illud Nepenthes oblivionem tristitiæ veniamq̃, afferens. Qualis ea potio, incertum. Poetam volunt hoc dicere, Helenam aliquod medicamentum somniferum vino immiscuisse, & bibendum marito atq̃ Telemacho dedisse. Quod equidem verisimile non est. Hoc enim agebat, ut exhilararet ipsos, tristitiamq̃, animis depelleret. Tristitiam interim animis depellendi nulla hætenus observata in Café facultas.*

§. 71. Denique dum ad Caput adhuc respicimus, Potus noster non tantum *non inebriat*, etiamsi totæ noctes forbilitando continentur; (Cujus rei memores Angli, turbulento rerum statu, thermopolia numerosa valde, ubi Café Potus administratur, claudi voluerunt; quia à seditiosis hominibus, inter computationes semper sobriis, majus periculum, quam ab iis qui strenue litant Baccho.) sed & *ebrietatem solvere serio inculcat* Dn. *Du Four*, c. 9. nisi vino plane sint sepulti

pulti: Exemplo faceto rem confirmare satagit, quod ne gratiam perdat, Ipsius verbis adscribo. *Un de mes amis, ait, s'estant laissé surprendre aux agréments du vin, se mit à jouer au Piquet apres le repas; il perdoit son argent, parce que les fumées du vin, luy faisoient voir cœur pour carreau; je le tiray a part, & luy fis boire une bonne tasse de Café, en suite de quoy il revint au jeu, l'esprit & la vue aussi libres, qu'il les avoit eüs à jeun.* Quem supra allegavimus, Vir maxime reverendus ait. *Cum Aulicorum plures capiti remulento hoc potu mederi vidissem, ejus & ipse in capite sobrio feci periculum, & quidem felicissime, utinam ad finem usque vita, Ephem. Germ. Dec. II. An. 3. Ubi Scholion. Quin & Bibulis hunc commendaremus, ut crapulam sibi fugarent, aut ad minimum cerebella à potatione turbulenta nova serenitate irradiarent, si aquum foret, Remedia præscribere ut ingluviei commodius litare queas! Medicorum autem est, Affectionibus p. N. quære-re auxilia, etiam si periculum sit, ne æger, recuperatâ valetudine, illis abutatur.*

§. 72. Sed, somniferum quibusdam est, ais? Somnum quibusdam conciliare, probatum est apud Dn. *Du Four*, ex Observatione Domini *de la Clofure*, inter alia exemplo Domini *Ferrand*, Decani Medicorum Lemovicensium, qui morbo quodam detentus, urgentibus vigiliis, quotidie sub vespere haufit pocillum Café, quod somnum ipsi certò conciliavit. Verumenimvero, si ad id quod ut plurimum observatur, respicimus, tum historia Medica, tum Experientia plurimum etiam apud nos, atque etiam nostra, nobis insinuant vim antihypnoticam, quæ in eo celebratur. Quod vero unum vel alterum exemplum contrarium effectum ostendens attinet, Respondemus; Sicut Medicamentum diureticum vel diaphoreticum non desinit pro tali haberi, si ad ejus usum, in uno vel altero subjecto, ille effectus sequatur, qui purgantium quasi proprius est; nec Medicamenta Purgantia desinunt esse purgantia, si cui priapissimum excitarunt; ita Café non desinit esse antihypnoticum, etiam si in uno vel altero ad usum illius, somnus, sit secutus, sc. per accidens, interveniente

niente aliâ causâ, quæ tamen, ubi de circumstantiis non constat, non facile determinatur.

§. 73. Sed & Pectori Potus Café accommodatus. *Dominus della Valle* l. c. nominat *Catarrhos* inter affectus, in quibus Turcarum experienciâ ille sit admodum utilis. Declaravimus autem *Dissert. de Potu Calido*, Potum Calidæ convenientem esse illis, qui catarrhis tentantur, experienciâ tum veterum, tum quotidianâ, & ratione, quam hic repetere operæ pretium non videtur. Cum vero effectus Café, cum eo quem præstat Calidæ potus, egregie conspiret, ultro intelligitur, Catarrhosos in potu Café invenire medicinam. Unde nulli dubitamus, hunc illis commendare. A Dn. D. *Johanne Daniele Horstio* introductum, in Curatione Catarrhi proficuum Potum Café, notat Dn. *Welsch* de Ven. *Medin.* c. 12. Illum etiam Dn. D. *Laurentius Straus*, in *Disp. de Potu Cofsi*, refert *Frankofurti* primum in usum Medicum induxisse & aliquot ægris cum successu propinasse. Sicut vero salutarem in Catarrho pronunciamus potum Café, ita & in affectibus pectoris aliis, *Tussi* v. g. *Spirandi difficultate, asthmate*, eodem, quo supra usi, argumento. Ostendimus sc. l. c. affectus verbo indicante Aetio, in Asthmate, Pleuritide, Peripneumonia, Tussi aliisque, commodum ex Potu calidæ sperare posse, qui illis tentantur: quanto E magis, si calida virtute Café, quæ cum actione illius conspirat, ut ex qualitatibus & analysi illius supra proposita intelligitur, est imprægnata. Rationi non potest non respondere experientia. Dn. D. *Jacobus Sponius*, Medicus *Lugdunensis*, post Parentem *Carolus* percelebris, fidem facit, se sæpissime cum successu hunc potum exhibuisse illis, qui multum phlegmatis exscreabant aut Asthmate laborabant, ap. Dn. *Du Four* c. 11. ubi plures læsi pectoris per Potum Café curationes enarratas invenies.

§. 74. Præcipue autem laudatur *Lac Cafetarum* ut vocant, i. e. Lac virtute Café imprægnatum, cujus authorem, qui primus introduxerit usum, ex traditione quorundam, idem nominat Medicum Germanum nomine *Neuhofium*, qui ejus mentionem faciat, in *Descriptione Legationis Batavorum*

rum ad Chinenſium Imperatorem. Verum, pace Viri curioſi, procul dubio, ut alienâ, ita & lubricâ traditione, non inſpectâ ipſâ Descriptione, nititur. Nam *Dn. Neubofius* r. nec ipſe ſe Medicum proſitetur, ſed notatæ Legationis Ephorum Superiorem. 2. Nec ſcribit, ſe juſculum, quod vocat fabaceum, adornaffe, aut uſum ejus introduxiſſe. 3. Ne quidem cogitavit de Café, quando juſculum ſuum, fabaceum ipſi appellatum, deſcribit. Nam poſtquam p. 348. designavit, quomodo aliter à Chinenſibus, aliter à Japonenſibus potus Cha, id eſt, Théé, ut ſuo loco oſtendimus, præparetur, addit, quosdam Tartaros & Sinenſes, præcipue autem Magnates & Proceres, aliter etiam paratum ſorbillare, & in pretio habere. Parari autem hac ratione. Manipulum unum vel dimidium Cha, id eſt, foliorum Théé infundi in ſufficienti quantitate Aquæ ſimplicis ferventis, hinc admifceri quartam partem Lactis bullientis, addito momento ſalis. Pag. autem 57. idem memorat, quare juſculum fabaceum vocarit, cum Legatis, quorum Ephorus ipſe erat, in convivio, quo ipſi excepti erant in prima ſtatim menſa, hic potus offerretur; externâ ſcilicet ſpecie ſibi viſum juſculum fabaceum. Hoc itaq; cum Lactis Cafetato non erat confundendum.

§. 75. Lac autem Cafetatum verum An & quomodo Orientales præparent, nulla invenio documenta. *Dn. autem Monin* Medicus Gratianopolitanus, qui in uſum id traxit, & ægros illo reſtituit, ut patet ex ipſius literis ad *Dn. Du Four* c. ii. ita docuit adornare. Lactis vaccini quantum capit ſcutella vulgaris, committit ſartagini minori; quando videtur bullas elevari, cochleare unum ſeu ziiij. præterpropter, Caſi modicè admodum torrefacti (quia aduſtum ingratum valde lacti conciliaret ſaporem) ſparſim admifcet, ne in grumos pulveris cohæreat: poſt modicam admodum ebullitionem, retractâ ab igne ſartagine, pulvere brevi ad fundum præcipitato, Lac in aliam ſcutellam elegantiore decantatur, ſuper cochlear unum Caſſonadæ. Hoc jubet ſorbillare ægrotantes calidè quantum poſſunt, & abſtinere à cibo per 4. horarum ſpatium. Ipſe autem *Dn. Du Four* alium etiam communica-

sum sibi modum præparandi lac Cafetatum enarrat, secundum quem, ne lac spissius reddatur, sorbitio Café modo supra explicato adornata, lacti admiscetur; aut ante lac, aut post lac, sorbitio ordinaria Café exhibetur; quod fere perinde sit, cum in ventriculo mixtio fiat, etiamsi unus liquor post alterum sit ventriculo ingestus. Et quamvis hæc mixtura videatur ingrato sapore minus placere, attamen, ut ipse asserit, non est ingrata palato, præcipue quando Café lacti incoquitur ad consistentiam paulo crassiore, quia tum accedit sapor ad Chocolatæ saporem, quem omnes laudant; Ego novi non unum, qui saporem Lactis Cafetati collaudet. Paulo ante laudatus *Dn. Monin*. cum notatam Epistolam scriberet, à 5. vel 6. annis ægrotantibus lac Cafetatum exhibuit, in omnibus morbis ubi Lactis cura alias commendatur, addens, nunquam male rem successisse: modo vaccinum modo asininum convenientius visum; admiratione autem dignum esse, quod ejusmodi lac non coaguletur in ventriculo, nullas oppilationes faciat, vaporibus non petat caput, acrimoniam humorum mitiget, fermentationes excessivas attemperet, tussim sistat, nutriat & pinguefaciat ægrotantes. Ad quorum phænomenon causas specialius explicandas hic non licet excurrere; quas tamen examen & analysis Spagyrica in genere subministrant. Ipse *Dn. Monin* periculo in se facto didicit, & suo exemplo certior factus, docuit alios, ventriculum ineptum ad lactis curam, lac Cafetatum admittere cum ἐνφορεῖα, ita ut, qui à lacte Asinino in incipiente phthisi nullum solatium impetrare potuerunt, usu lactis Cafetati restituti fuerint; quod & exemplo Uxoris suæ ulterius illustrat, quæ à sedecim annis phthifica, febre acutâ aliisque Symptomatibus correpta, extreme extenuata, non proficiente lacte asinino, lacte Cafetato fuit in integrum restituta.

§. 76. Celebritatis hujus Potus magnam partem constituit, quod *coctionem Ventriculi mirabiliter promoveat* sicut Vinum, & quod Gentes Asiæ, Africæ, & Europæ, quibus Lex Mahometis vino interdicit, dicto potu, eum in finem, cum successu utantur. *Ægyptij*, inquit, *Prosper Alpinus l. c.*

utuntur ejus decocto ad roborandum ventriculum frigiditorem adjuvandumq; concoctionem. Veslingius ad hunc locum. Potus Café stomacho nauseam non infert, quantumvis largius decoctum hauriatur nec intensiore gradu caloris eidem infestum. Petrus della Valle scribit. Persuasum esse Turcis, coctionem Ventriculi juvare; Dn. de Thevenot. ita. Conducit ad confortandum stomachum & juvat digestionem Eduardus Terry Anglus asserit, maxime digestionem juvare Duloir scribit, Turcas illius in stomacho effectus experiri mirabiles. Unde facile intelligimus, in ἀπεψία, δυσπεψία, præcipue ubi vinum propter circumstantias morbi vel personæ non admittitur, suam præstare operam, quam indubiam vocat Dn. du Four, post allegatorum Scriptorum & Peregrinatorum assertiones.

§. 77. Artis Proceres Hippocrates & Galenus inter stomachica facile admisissent hunc potum, si ipsis innotuisset quia amaroris evidenter est particeps, amara ventriculo amica sunt, & corruptioni resistunt & abstergendi vim habent. Admiserunt eum propterea facilius sagaciores Naturæ scrutatores & Medici, succorum Ventriculi, & partis utriusque, subtilis nempe seu volatilis, & crassioris seu terrestris Café naturâ probe excussâ: intelligentes sc. volatilē & subtilem, quæ in potu Café est, substantiam unde levissima adstrictio, fermentum Ventriculi sæpe corrigere, quo bene se habente, & digestio & coctio & distributio ventriculi feliciter absolventur, acidæ p. N. si adsunt, cruditates franguntur, corruptio excluditur, coagulatio impeditur; unde morborum plurimorum rudimenta destruantur, quæ relicta in coctionibus sequentibus non corriguntur. Et qui ita ratiocinantur, ad experientiam cordate provocare possunt, & unam instar omnium esse posse, arbitrantur, quando sc. nobis revocamus in memoriam, Turcas aquam bibentes & vespertines leguminibus, lacticiis & fructibus potius quam carnibus, manducantesque panem azymum, non bene coctum, vitiis ventriculi rarissime laborare; cum tamen ejusmodi victus ratio, ad inferendam ventriculo vim, omnino sit comparata. Neque enim adparet, unde conservetur integritas actio-

actionum ventriculi, quam quod potum Café in quotidiana
no habeant usu. Quamvis enim aliis potuum generibus,
Sorbet, Chosaf, acido Cedri utantur, attamen horum ingre-
dientia digestionem coctionemque ventriculi | promovere,
cruditates & morbos inde dependentes avertere, nemo prin-
cipiis Medicis mediocriter imbutus agnoscet. Exempla re-
stituti per potum Café ventriculi, vide ap. Dn. du Four. c. 9.

§. 78. Idem hinc non male infert, *Lumbricorum* generatio-
ni resistere; *Vomitum* per accidens, cruditates glutinosas len-
tas, viscidas dissolvendo, & quasi fundendo fluxiles red-
dendo, excitare, & liberare ægrum à pertinaciter, glu-
tinis instar, fundo & lateribus ventriculi adhærentibus hu-
moribus: & vicissim sistere, vomitiones, quando acidi humo-
res salsive vomitûs sunt causa, quorum acies potu Café quasi
obtunditur. Profuisse contra dolores ventriculi à nimia acidi-
tate, testatur *Du Four*. c. 11. In *Colica* commendatur etiam, quæ
pituita crassa, lenta, viscida, vitrea, ortum habet, quam fun-
dit resolvit & mobilem facit.

§. 79. *Viscerum obstructiones* referare primi Observatores
radidere. In *Tumoribus hepatis lienisq;* frigidis & antiquis obstru-
ctionibus, felici cum successu decoctum multos dies experiuntur. ver-
ba sunt. *Prosperi Alpini*. l. c. Cum frigidi & crassi succi viscera com-
munesque corporis ductus noxio infarctu impediunt, decoctum ex tosto
contusq; nucleo præferendum est. scripsit *Veslingius*. l. c. Recen-
tiores omnes in genere consentire, ad reformandum & eli-
minandum ex corpore phlegma, insignem hunc potum ad-
erre utilitatem, quæ collegit Dn. *Du Four*, testantur. Dn. D.
Möllenbroccius Tract. de Arthritide vaga Scorbutica c. 13. scri-
bit Decocti Café usum olim *Persianis*, *Arabibus* & *Turcis* solum no-
tum fuisse; jam vero in *Suecia*, *Dania*, *Anglia*, *Hollandia* contra Scor-
butum communem esse.

§. 80. In specie commendatur ad suppressionem
mensium, *Chlorosin* & alia uteri vitia. Uterum maxime respi-
cere videtur; ipsum enim excalescit, obstructionesque ab eo aufert.
sic enim in familiari usu est apud omnes *Ægyptias Arabumq;* mulie-
res, ut semper dum fluant menses, ipsorum vacuationem hujus decocti

ferventis multum paulatim sorbillantes, adjuvent; ad promovendos etiam in quibus suppressi sunt, usus hujus decocti, purgato, corpore, multis diebus utilissimus est. Verba sunt Alpini de Plant. Ægypt. c. 16. Et lib. de Medicina Ægyptiorum IV. c. 3. ista habet. Cum ego animadvertissem mulieres, quibus coeperint menses fluere, ad eos adjuvandos de eo (decocto sc.) calidiori semper paulatim multum sorbillare, apud illasq; omnes, ad juvandam eam evacuationem in usu esse frequentissimo, coepi illâ edoctus experienciâ, in omnibus illo uti, quibus aliquam ob causam purgatio menstrua destitisset; quod quidem felicissime multis evenisse vidi, exindeq; didici, hoc genus remediij, pro evocandis menstruis ab uteri obstructis venis, esse præstantissimum: Post universalem tamen corporis vacuationem, mane jejuno stomacho, istud decoctum assumptum efficacissime menses provocat, temporeque, quo multis cum vehementibus doloribus minute difficulter exeunt, eis præsentaneo est auxilio. Veslingius ad priorem locum, contentus fuit, ad omnem infarctum ad omnes obstructions comendasse. Dn. Du Four scribit, plures auctores asseverare, provocare menses, obstructionibus uteri solutis; Passiones hystericas, dissipatis vaporibus, tollere; infestantes, fluentibus Catameniis, dolores mitigare; puerperis ad promovenda lochia propinari posse, subjunctâ experienciâ Domini de la Closure, celebris Medici Santonensis. Assensum suum negare vix sustinuerit, qui memor eorum, de quibus Analysis supra nos reddidit certiores, facile capit, potum tantum non ferventem, pluries haustum, ejusmodi pharmaco imprægnatum, calorem naturalem suscitare, prava sanguinis fermenta reformare & emendare, quod in eo p. N. crassum attenuare, quod lentum viscidumve incidere & ad exclusionem disponere. Dn. de Blegny monet, gravidas & hæmorrhagiis uterinis obnoxias, caute debere admittere potum Café, quod, Experienciâ Magistrâ, vim habeat pellendi per uterum.

§. 80. In memoriam sibi revocantibus, quæ supra de qualitatibus & elementis Café dicta sunt, difficile non est concipere, quare Turcæ *hydropi* minus obnoxij sint, quam Europæi, & dirus ille morbus Turcarum paucis sit cognitus,

& quare in Anglia modo Hydròps & Podagrà affectus sint rariores; ab eo sc. tempore, quo Potus Café Anglis factus est familiarissimus; quam observationem Londinenses ante 18. præterpropter annos publici juris fecerunt, annotante etiam hoc Dn. *Du Four* c. 10. Cum hoc dicere auserim, si nostrates bibaces hanc lympham bibosi in tempore admitterent, forsitan tandem tanto numero non essent, qui à diro hydrope sibi metuerent, aut hunc haberent viam ad mortem. | *Dolorum* etiam *arthriticorum* minus futurum, si damnato Bacchi & Veneris cultu, Lympha hæc benigna, secundum ea quæ dicta sunt, admitteretur. Qui diu in locis Orientalibus, ubi Potus Café omnibus familiaris, versati fuerunt, uno quasi ore asserunt, Podagram inter rara numerari. Inter eos nomen suum profitetur Dn. *Jacobus Sponius*, cujus supra mentionem fecimus, qui doctis oculis Orientem perlustravit. Exempla Podagricorum qui doloribus atque cruciatibus per continuatum usum Potus Café solatium impetrarunt vide collecta à Dn. *Du Four*. c. 10. & 11.

§. 82. Quem morbum *Hypochondriacum* vocant & *Scorbutum*, cum hi quidem morbi humorum Tartareorum, acidorum, acetosorum, falsorum & sæpe quadantenus corrosivorum apparatu constituentur, & in illis tum ratio, tum experientia hætenus proficuum magis nihil invenerit, quam Medicamenta vegetabilia quæ sale volatili abundant, cum levi quodam amarore, cujusmodi sunt Cochlearia, Nasturtium hortense & aquaticum, Anagallis aquatica, Armoracia, Eruca, Sinapi, Trifolium fibrinum, Antiscorbutica vulgo dicta; quid quæso obstat, quo minus de Café subsumtionem faciamus? Rationes facile deduxeris ex qualitatibus; præcipuas autem tacta supra phænomena & analysis ipsa Spagyrica subministrant. Experientiam si desideras, en multiplicem. Scribit Dn. *D. Valentinus Andreas Möllenbroccius* Tract. de Varis c. 13. *Decocti Cove* usus olim Persis, Arabibus & Turcis solum notus fuit; jam vero in Suecia, Dania, Anglia & Hollandia etiam contra Scorbutum communis est. In atrophia scorbutica commendavit D: *Waldschmidt*. Med. Ration. cas. 42.

§. 83. *Dolores Nephríticos & calculi generationem* quomodo avertat Potus Café, intelligimus, si nobis revocamus in memoriam, coctionem illum promovere ventriculi, viscerum fermenta debilia exaltare, exorbitantia mitigare, obstructions referare, vias expedire, ut in & cum sero, quæ renibus nocitura erant, per vias urinarias secedant. Magnum iterum pondus addit Ratiocinio, quod supra laudatus celebris peregrinator in Observationibus suis annotarit, Sabulum, arenulas, Calculum in renibus Orientalium, qui potui Café indulgent, rarius subnasci, ap. Dn. *duFour*, c. 10. In *Urina suppressione* inter prophylactica ipsi vindicat locum, Dn. D. J. J. *Waldschmidt* Med. Rat. cas. 45, quod acidum quodvis & austerum egregie compescat & corrigat.

§. 84. Dn. *Du Four* deniq; notat, qui Observationes suas de Utilitate Potus Café publici juris fecerunt, omisisse hanc laudis partem, quod accommodatum etiam sit remedium in *Diarrhœa & Dysenteria* curanda: idque exemplo & literis ex Oriente ad ipsum datis confirmat c. 10. sub finem. Et facile quidem intelligimus, quod potus actu calidus plerumq; non sit inconveniens: quia læsa intestina potu frigido magis læduntur & frigido potui adfuetis, parce bibere, aut non bibere præcipuum auxilium est. Modica etiam in potu isto adstrictio & vis abstersiva ad ea pertinent, quæ natura affectuum intellecta indicat. Et cum ventriculum & intestina foveat, & actiones hujus promoveat, quo respectu à Turcis vino substituitur, tanto facilius admittitur. Interdum tamen potus efficacius adstringens, Vinum rubrum stypticum, aqua chalybeata, decocta ex Vegetabilibus adstringentibus requiruntur, ubi potum Café imparem esse Medici sunt certi. Et hætenus quidem de affectibus, in quibus Potus Café utilis fuit observatus.

§. 85. Quamvis vero prænobiles hætenus fructus Café, & inde parati potus enarratæ sint virtutes, non defuerunt tamen, qui tenuiter, ita ut sit, de illis sentirent. Dn. *Veslingius* videtur quosdam notasse, in Epist. ad Patr. Athanas. Kircherum supra allegata, qui de latente in pharmaco maligni-

lignitate cogitarunt, vel etiam verba fecerunt, quando ait. *De latente in Coava malignitate nec mihi nec aliis, qui diutissime in Ægypto degerunt, suspicio nata unquam fuit, adeoq³ nec de corrigentibus cogitatum. An autem in hoc fructu alibi producto, virus quoddam sese extulerit, nullo hactenus exemplo discere potui.* Dn. D. *Valentinus Andreas Möllenbroccius* Tractat. de Arthritide vaga Scorbutica. c. 13. refert. Dn. D. *Christophorum Keyling* Physicum Islebiensem sibi narrasse, se ab Armeniano quodam accepisse, quod ex crebro Potus Café usu, membra exteriora contrahantur; verum hujus quidem, ut obscura est authoritas, cujus etiam Dn. D. *Möllenbroccius* vix rationem habet, ita, reclamante *Experientiâ*, ab omnibus insuper habita. *Cornelius Bontekoe* Tractatu Belgico primum, deinde Germanico Idiomate edito, de Hominis Vita, sanitate, morbo & morte. p. m. 469. 470. quamvis suas etiam Potui Café (modo prærogativa Potui Théë concedatur) tribuat laudes, attamen suspectas easdem reddit, quando paulo post scribit, fuisse, qui fabas, castaneas, filiginem, triticum, panem, placentas simili ratione torrefactioni subjecerunt & potum eadem methodo inde adornarunt: se, periculo facto, animadvertisse, illum Potui Café non cedere bonitate; curiosos etiam Anglos, illum pro potu Café oblatum, ab hoc distinguere non potuisse. Aliâs magni non occurrunt Vituperatores hujus fructûs, præter Dn. D. *Simonem Pauli*, Medicinæ Professore Haffniensem percelebrem, qui summopere in Potum Café invehitur, ac dum contra Potum Théë declamat, Potum Café infamem reddere nititur. Verba ejus sunt Comm. de Abusu Tabaci & Herbæ Théë. p. 38. a. *Usus herbæ Théë, si recens ex China in Europam inferri posset, præ reliquis duobus Medicamentis, Chocolata & Cossi, tolerandus adhuc esset: Ast Cossi minime omnium, ceu cujus decoctum Chavvæ, corpora animosq³ Persarum omnino effœminat; quos cum imitatur, hocine est indurare corpora? quod studium in Germanis nobis tantopere olim Julius Cæsar & Cornelius Tacitus prædicarunt? Ex superioribus, cum de Abusu Tabaci agerem, notum ex Viganeni libro de Moribus Turcarum, Amurethem IV. Orientalis Imperij Tyrannum ideo subditis suis capitali edicto interdixisse omnem Tabaci usum, quod veri-*

tus sit, ne nancisceretur steriles subditos: Et nos Europæi, incauti ob
sum Cabvva aut Coffi aquæ, pergemus, ut ita dicam, emasculare nos, in
star Persarum, qui sterile conjugium fœcundo præferunt longe Europæi
teste Oleario, libidinosiores: qui valeant & suum sibi Coffi aut Cabvv
aquam habeant, sorbeant ad satietatem, dum inepti conjugio sint. E
paulo post. Quod Europæis utilissimum hoc sit Medicamentum, Veslin
gius defendat, non ego, qui diversus ab illo abeo. Et p. 37. b. Coffi item
Theé sc. potu Europæi, modo vellent, circa ullam jacturam valetudinis care
re possent. Atq; utinam vel singulorum vel omnium horum usu & præse
tim nimio, eam non irent corruptum, medicamentis diversarum partium
& totâ substantiâ agentibus, atq; adeo non ratione, sed (teste Galeno
per empiriam inventis. Atq; hæc & similia faciunt (quorum etiam men
tionem feci in Historia Tabaci) quod hoc seculo novis omnino & contu
macioribus corripiamur morbis. His consona habet in Quadripart
Botanic. & passim. Allegat etiam Joh. Albert. von Mandeslo. Itin
Indiæ Orientalis. c. II. qui scribit, Persas nigram aquam Caf
bibere; famam esse, refrigerare & sterilitatem inducere. Ob
signat quod persuadere satagit, facietâ quæ animis hæreat, hi
storiâ, cujus summa, ut enarrata est ab Oleario. Itin. Moscovi
& Persic. lib. V. c. 17. hæc est. Regis sc. Sulthan Mahmud
Casnin Conjugem, cum ille, inhiando nimio opere Potui Ca
fé, impotens factus, nullam amplius Illius haberet rationem
odio illius potus flagrantem, forte fortuna de fenestra prospe
xisse, cum castratio generosi Equi, multis spectantibus, adorna
retur; cum autem ab adstantibus, interrogatis ab Illa, quid tu
multus sibi vellet? tectis nominibus de re esset certior reddi
ta, Ipsam respondisse; Tanto apparatu opus non esse: Desti
narent Equo in potum aquam abominabilem Cafetatum; bre
vi illum Regi languido futurum assimilem. Addit ille porro
famam esse, nominati Regis filium & successorem ex confessio
ne Matris tandem cognovisse, Non Regem potu Café exo
lutum, sed Pistorem quendam vegetum Ipsius fuisse genito
rem. Subjungit deniq; Olearius versus quosdam, à Poetis ob
abominandam illam proprietatem, voluptatem sc. Veneream
cui Persæ admodum dediti sunt, surripiendi, in vituperium
Café compositos, quos & peregrino & Germanico Idiomat
apu

apud ipsum leges. Specialius deniq; Dn. D. Simon Pauli, speciose ex principiis Chymicorum p. 46. scribit. *Ingens Persarum error & aliorum omnium est, qui putant semen Bon aut Ban, quod tostum Cossi dicitur, & illius decoctum, Aquam Cahvæ aut Cossi, adeo frigesacere eam frequentius bibentes sorbentesve, ut omnino elumbet viros, aut eorum nervum rerum gerendarum in thalamo vel conjugio enervet. Et paulo post. Non quod frigesiant, sterilescunt Persæ, sed quod clanculum sensimq; exsiccentur, non à qualitate passiva aut secunda, siccitate nempe Aristotelica, sed à Sulphure Cahvæ sive Bon vel Ban seminis ipsi proprio, ut Opio, ut Tabaco, ut Agno casto, sua propria sunt Sulphura.*

§. 86. Sed expendamus paulo diligentius, pace Illius, prolata argumenta & rationes. I. Pro palmario habet, quod ex historia sibi videtur demonstrasse, Café sterilitatem inducere. Sed respondemus, si Dn. D. Simonis Pauli, allato ex Oleario exemplo probatur, immodicam ingurgitationem potus Café, elumbes reddere homines, (qua de re paulo post) moderatus tamen propterea ejus usus non magis damnandus, ut ipse quidem damnat, quam v. g. Vini; quod strenue litantes Baccho & de poculorum magnitudine certantes, sæpe in hydropem præcipitari, doloribus arthriticis macerari, præ aliis apoplexiâ tangi, in paralyfin incidere, videamus; vel Medicamentorum Purgantium, quæ nimia dosi exhibita spiritus & succos Corporis utiles exhauriunt, hominem in lipothymiam, imo Syncopen coniiciunt; vel quorumcunq; aliorum, si ve domesticorum si ve exoticorum, quæ, nulla quantitatis habita ratione, nocent. Abusus sc. facit, quod Usus nullo modo, nullo gradu facit, sicut exemplis notatis & similibus declarari facile potest.

§. 87. Quod autem ipsam historiam à Dn. D. Simone Pauli allatam, quæ forsan non paucis horrorem incussit, & incutit illis etiamnum, attinet; ut de fide & integritate Dn. Olearij dubitare nobis religio est, ita fas nobis fuerit dubitare, an omnino vera à Persis Dn. Olearius acceperit, an forsan semel & iterum inciderit ille in quosdam odio novæ rei (quia non eadem omnibus probantur, & multa laudantur ab his, culpanitur ab illis) flagrantes, vel ab his ita edoctos, qui fabulosa miscerent

narrationibus. 1. Quia ipse Dn. *Olearius* l. c. miratur, Persas narraſſe ipſi de ſupra nominato Rege & Poeta *Hakim Firdauſt*, quæ alij pridem de *Cæſare Auguſto & Virgilio* tradiderunt. 2. Quia cæteri Hiſtorici & Peregrinatores curioſiſſimi, qui Regnum Perſiæ perlustrarunt, de hoc effectu Caſe, de arguta illa hiſtoria, & fama notata, prorsus tacent, non ſolum qui ante *Olearium*, ſed & qui poſt eum curioſi in Perſia fuerunt Europæi. Dn. *Du Four* c. 13. allegat Dn. *Figueroa* Legatum Regis Hiſpaniarum ad Regem Perſarum, qui per aliquot aſios commoratus eſt in Metropoli Perſiæ Hiſpahan, antequam *Olearius* iter eo ſuſciperet, curioſa Regionis annotavit publicavitque; quamvis autem expreſſe egerit de potu Caſe in Perſia, enarrans Perſas vel valetudinis vel voluptatis cauſa potum iſtum haurire (cum qua ſententia, ut obiter hoc adnotemus, non pugnat, quod Dn. *Bernier* in literis ad Dn. *Du Four*. referat, in Perſia eum eſſe rarioris uſus, ſcil. reſpectu Turcarum aliarumq; gentium, quæ in quotidiano eum uſu habent) de proprietate tamen iſta ſterilitatem inducendi, ne verbum quidem addit. Quamvis autem in mentem curioſo venire queat, Forſan tempore, quo *Figueroa* in Perſia fuit, cognitam aut ſaltem perſpectam ſatis nondum fuiſſe iſtam proprietatem: dubiam tamen ſuſpicionem, imo irritam facit, partim quod notabilis adeo temporis differentia non intercedat inter utriusq; adventum in Perſiam, partim quod celeberrimus Peregrinator Dn. *Tavernier*, qui non ſemel tantum in Perſiam iter direxit, ſed & in illa poſt *Figueroa* & *Olearium* diu hæſit, & ſingularia Regionis, etiam quæ minoris momenti ſunt, annotavit, ne verbo quidem iſtius proprietatis faciat mentionem; nec magis Dn. *Bernier*, quem diu verſatum in Perſia, ea de re ſi unquam audiviſſet, cum inſignis Philoſophus & excellens Medicus, in omnibus curioſiſſimus fuerit, effectum tam notabilem, in Perſia lippis & tonſoribus notum, in ampliſſimis relationibus intactum relinquere potuiſſe, veriſimile non eſt. 3. Quia nullibi aliâs ubi potus Caſe vel inter delicias vel medicinas numeratus, vel in quotidiano uſu eſt, Experientia populis illum illo nomine ſuſpectum fecit, Bene videtur

detur inferre Dn. *Du Four*, quod, si potus Café ita facile sterilitatem induceret, hoc pridem in Turcia, ubi, ut supra audivimus, omnes amore illius capti sunt & vini loco illo utuntur, observatum fuisset, cum tamen vastæ Imperij Mahumetani urbes (exempli loco sit Cairus Ægypti, ubi avidius quotidie & abunde potum Café ingerunt) sint populosissimæ. In Europa jam Galli, Itali, Angli, Belgæ, Germani, forbillant eundem, nullæ tamen de subnascente sterilitate inter populos istos audiuntur querelæ.

§. 88. Sed rem ipsam quod attinet, sicut secundum principia Medicorum, Omne nimium Naturæ inimicum; ita, intellectâ præcipue naturâ pharmaci, à parte Dn. *du Four* stare non possumus, quando ne quidem in excessu notatam noxam agnoscit; sed agnoscimus excessum in usu illius nocere posse, & in specie, in exsuccis præcipue, proclivitatem ad Venerem imminuere, aut aptitudinem ad gignendam sobolem auferre posse. Causam eleganter exprimit sagacissimus Dn. *Willis* Anglus, quo vix alius majorem experientiam circa Café potum habuit, quando illam nobis communicans ait. *Spiritus quidem Veterani agiliores ac impigri magis redduntur, at novorum subsidia minuuntur: Hinc ut facile constet, Potum hunc communissimo licet in usu, ac in quibusdam casibus valde utilem & adprimæ medicum, in aliis forsan noxium aut minus salutarem existere. Ita quidem rem habere, non tantum ratio, sed & vulgaris observatio passim dictitat; in quantum Coffeæ potatores nimij, macilenti sæpe numero, item paralyti & Veneris impotentia obnoxij evadunt.* Horum respectu Dn. *D. Ettmüllerus* videtur Café Antivenereum appellare, non alio. *Comment. in Dan. Ludov. Pharmac.*

§. 89. Quando II. Dn. *D. Simon Pauli* usum Café perstringit, quod hoc Pharmacum Medicamentis diversarum partium & tota substantia agentibus annumerandum, adeoque non ratione sed empiria sit inventum. Respondéo, sicut non derogat bonitati aut excellentiæ medicamentorum, quæ sola ab initio Empiria, cum varij homines varia tentarent, vel etiam Casus ante *Hippocratis* tempora subministraret, suggessit, cum illi minime intelligerent, quo ritu & quali partium corporis humani affectione Medicamenta operarentur, aut affectibus Corporis responderent, quamvis deinde *Hippocrates* ex ratione illa examinans, quomodo sibi respondeant invenerit; ita etiamnum hodie, si ad ingenuorum Medicorum, qui *Hippocratem* sequuntur, notitiam perferuntur Medicamenta, vel à Barbaris inventa, cum certis tamen testimoniis virtutis & efficacæ, non quia à Barbaris inventa, illa repudiant, sed qualitates illorum examinant, partes dissociant, principia explicant, quousque ingenio humano progredi licet. Imo male nobiscum ageretur, si sola illa prodesse, quæ sola Ratio subministravit; quamvis Ratio sola, ea quæ Experientia nuda subministravit, regere apta sit atque idonea. Quod autem diversarum partium sit & totâ substantiâ agat Café, hoc cum optimis Medicamentis commune habet.

§. 90. Quando III. Idem propter Café & similium usum, novis nos & contumacioribus morbis corripere asserit, hoc probatum hætenus non est.

est. Immodico usu, qui abusus est, aut usu victus rationi non congruo, qui abusus itidem est, vim inferri valetudini libenter concedimus. Nam illum quod attinet, manet perpetuæ Veritatis illud *Hippocratis* πᾶν τὸ πολὺ ἢ φύσιν πλεονέκειν. Omne nimium Naturæ inimicum. Aph. II. 51. Posteriores quod concernit, quamvis varius ille esse possit, attamen vix evidentior quam quem modo in morem verti animadvertimus; dum vino pleni potui Café, quo vini loco, Mahumetani, vinum lege prohibente, utuntur, inhiant & nescio quot pocula, non sorbillant, sed liguriunt. Abusus est quem notamus, qui Usui nunquam derogare debet. Usum nocuisse nec ex Historicorum scriptis didici, nec Experientia hætenus me docuit, & quod admitti in forum Medicum debeant Medicamenta etiam exotica, vide Dissert. de Potu Théæ §. 50.

§. 91. In eo autem IV. prorsus idem cum Dn. D. *Simone Pauli* sentimus, quando urget, Potum Café non frigefacere Persas (in quibus quasi promiscue sterilitatem, non tamen probatam supponit,) eum frequentius bibentes: & quod, quicquid immodico usu ille adfert noxæ, ab exsiccatione, quæ à sulphure proprio illius, ut Chymici loquuntur, proveniat, concedimus, si addantur quæ Analysis exhibet cætera principia activa, Sal volatile, Spiritus, de quibus supra. Atque ita quæ ad atterendas Potus Café laudes prolata sunt à Dn. D. *Simone Pauli*, paucos forsitan ab usu illius arce-re valuerunt, vel arcebunt etiamnum.

§. 92. Speramus porro neminem fore, qui vitio vertat potui Café, quod sint nonnulli, qui adsuescere illi nunquam possunt, & quoties hauriunt illum, lædantur. Sicut Dn. *du Four* c. 13. nominat amicum quendam suum, qui diu in Oriente peregrinatus, semper tamen abhorruit à potu Café, haustum insequente nausæa & vomitu violento. confer Dn. *de Blegny* de Café c. 2. Nam unius ut dictum, vel alterius ἰδιοσυγκρασία derogare non potest virtuti Medicæ, quam pharmacum habet respectu Corporum humanorum plerorumque omnium. Nam ita v. g. Manna non desinit esse Medicamentum purgans benignum, tametsi sint qui inde constipentur: nec magis Sena vituperatur, quod non sint nulli, qui usum illius tolerare nequeunt: nec Scammonium, Helleborus & similia propterea in robustis damnantur, quod unus vel alter usum illorum non ferat.

§. 93. Denique ne sinister ejus usus legitimo detrahat, operæ pretium videtur, in promptu habere, tum qualitates & proprietates cognitæ, tum Principiorum sensibilibus in quæ culter Chymicus hoc pharmacum resolvit, naturas, tum denique temperamenta & affectus p. N. in quibus conducere, experientia facit fidem. Ita enim certi, quod sit subamarus potus cum modica adstrictione, quod calefaciendi, resolvendi, deobstruendi vim habeat, quod Sale, præter cætera, volatili & spiritu tenui, & sulphure sui generis abundet; quod Temperamento pituitoso, ventriculo debili ex frigore languido conveniat, somnolentiam abigat; ultrò intelligimus, non convenire Plethoricis, Biliosis, fervido stomacho, tenuiori, subtiliori, acriori sanguine præditis, exsuccis, hæmoptoicis, Phthysicis, hæcticis, p. N. vigilantibus, aliis. Qui vero singulis non conveniat, ut specialius excutiamus, Instituti nunc nostri ratio non permittit.

SOLI DEO GLORIA,